

李商隐全集
李贺集

出版社

李商隐全集

(唐) 李商隐 著

诗集卷一

编年诗

韩 碑

元和天子神武姿，彼何人哉轩与羲。誓将上雪列圣耻，坐法宫中朝四夷。淮西有贼五十载，封狼生豨豨生罴。不据山河据平地，长戈利矛日可麾。帝得圣相相曰度，原注：《晏子春秋》：仲尼圣相。贼斫不死神扶持。腰悬相印作都统，阴风惨澹天王旗。愬、武、古、通作牙爪，仪曹外郎载笔随。行军司马智且勇，十四万众犹虎貔。入蔡缚贼献太庙，功无与让恩不訾。帝曰汝度功第一，汝从事愈宜为辞。愈拜稽首蹈且舞，金石刻画臣能为。古者世称大手笔，此事不系于职司。当仁自古有不让，言讫屡颌天子颐。公退斋戒坐小阁，濡染大笔何淋漓。点窜《尧典》、《舜典》字，涂改《清庙》、《生民》诗。文成破体书在纸，清晨再拜铺丹墀。表曰臣愈昧死上，咏神圣功书之碑。碑高三丈字如手，负以灵鳌蟠以螭。句奇语重喻者少，谗之天子言其私。长绳百尺拽碑倒，粗砂大石相磨治。公之斯文若元气，先时已入人肝脾。汤盘孔鼎有述作，今无其器存其词。呜呼圣皇及圣相，相与烜赫流淳



熙。公之斯文不示后，曷与三五相攀追？愿书万本诵万过，
口角流沫右手胝。传之七十有二代，以为封禅玉检明堂基。

富平少侯

七国三边未到忧，十三身袭富平侯。不收金弹抛林外，
却惜银床在井头。彩树转灯珠错落，绣檀回枕玉雕锼。当关
不报侵晨客，新得佳人字莫愁。

日 高

镀环故锦縠轻拖，玉鈎不动便门锁。水精眠梦是何人，
栏药日高红髮蠹。飞香上云春诉天，云梯十二门九关。轻身
灭影何可望，粉蛾帖死屏风上。

陈 后 宫

玄武开新苑，龙舟宴幸频。渚莲参法驾，沙鸟犯勾陈。
寿献金茎露，歌翻《玉树》尘。夜来江令醉，别诏宿临春。

陈 后 宫

茂苑城如画，阊门瓦欲流。还依水光殿，更起月华楼。
侵夜鸾开镜，迎冬雉献裘。从臣皆半醉，天子正无愁。



览 古

莫恃金汤忽太平，草间霜露古今情。空糊□壤真何益，
欲举黄旗竟未成。长乐瓦飞随水逝，景阳钟堕失天明。回头
一吊箕山客，始信逃尧不为名。

隋 师 东

东征日调万黄金，几竭中原买斗心。军令未闻诛马谡，
捷书惟是报孙歆。原注：平吴之役，上言得歆。吴平，孙尚在。但须□□
巢阿阁，岂假鸱鸢在泮林。可惜前朝玄菟郡，积骸成莽阵云
深。

谢 书

微意何曾有一毫，空携笔砚奉《龙韬》。自蒙半夜传衣
后，不羨王祥得佩刀。

无 题

八岁偷照镜，长眉已能画。十岁去踏青，芙蓉作裙衩。
十二学弹箏，银甲不曾卸。十四藏六亲，悬知犹未嫁。十五
泣春风，背面秋千下。



失 题

幽人不倦赏，秋暑贵招邀。竹碧转怅望，池清犹寂寥。
露花终葳湿，风蝶强娇饶。此地如携手，兼君不自聊。

天平公座中呈令狐令公

罢执霓旌上醮坛，慢妆娇树水晶盘。更深欲诉蛾眉敛，
衣薄临醒玉艳寒。白足禅僧思败道，青袍御史拟休官。虽然
同是将军客，不敢公然子细看。

牡 丹

锦帟初卷卫夫人，原注：《典略》云：夫子见南子在锦帟之中。绣被犹
堆越鄂君。垂手乱翻雕玉佩，折腰争舞郁金香。石家蜡烛何
曾剪，苟令香炉可待熏。我是梦中传彩笔，欲书花叶寄朝
云。

初食笋呈座中

嫩箨香苞初出林，於陵论价重如金。皇都陆海应无数，
忍剪凌云一寸心？



海 上

石桥东望海连天，徐福空来不得仙。直遣麻姑与搔背，
可能留命待桑田？

赠赵协律皙

俱识孙公与谢公，二年歌哭处还同。已叨邹、马声华
末，更共刘、卢族望通。自注：愚与赵俱出今吏部相公门下，又同为故尚书
安平公所知，复皆是安平公表侄。南省恩深宾馆在，东山事往妓楼空。
不堪岁暮相逢地，我欲西征君又东。

赠宇文中丞

欲构中天正急材，自缘烟水恋平台。人间只有嵇延祖，
最望山公启事来。自注：公盛叹亡友张君，故有此句。

安平公诗

自注：故赠尚书诤氏。

丈人博陵王名家，怜我总角称才华。华州留语晓至暮，
高声喝吏放两衙。明朝骑马出城外，送我习业南山阿。仲子
延岳年十六，面如白玉欹乌纱。其弟炳章犹两丱，瑶林琼树
含奇花。陈留阮家诸姓秀，迺迺出拜何骈罗。府中从事杜与



李，麟角虎翅相过摩。清词孤韵有歌响，击触钟磬鸣环珂。三月石堤冻消释，东风开花满阳坡。时禽得伴戏新木，其声尖咽如鸣梭。公时载酒领从事，踊跃鞍马来相过。仰看楼殿撮清汉，坐视世界如恒沙。面热脚掉互登陟，青云表柱白云崖。一百八句在贝叶，三十三天长雨花。长者子来辄献盖，辟支佛去空留靴。公时受诏镇东鲁，遣我草奏随车牙。顾我下笔即千字，疑我读书倾五车。呜呼大贤苦不寿，时世方士无灵砂。五月至止六月病，遽颓泰山惊逝波。明年徒步吊京国，宅破子毁哀如何。西风冲户卷素帐，霄光斜照旧燕窠。古人常叹知己少，况我沦贱艰虞多。如公之德世一二，岂得无泪如黄河。沥胆咒愿天有眼，君子之泽方滂沱。

过故崔兗海宅与崔明秀才话旧因 寄旧僚杜赵李三掾

绛帐恩如昨，乌衣事莫寻。诸生空会葬，旧掾已华簪。共入留宾驿，俱分市骏金。莫凭无鬼论，终负托孤心。

宿骆氏亭寄怀崔雍崔衮

竹坞无尘水槛清，相思迢递隔重城。秋阴不散霜飞晚，留得枯荷听雨声。



公 子

外戚封侯自有恩，平明通籍九华门。金唐公主年应小，
二十君王未许婚。

东 还

自有仙才自不知，十年长梦采华芝。秋风动地黄云暮，
归去嵩阳寻旧师。

夕 阳 楼自注：在荥阳。是所知今遂宁萧侍郎牧荥阳日作矣。

花明柳暗绕天愁，上尽重城更上楼。欲问孤鸿向何处，
不知身世自悠悠。

有感二首自注：乙卯年有感，丙辰年诗成。

九服归元化，三灵叶睿图。如何本初辈，自取屈鼂诛？
有甚当车泣，因劳下殿趋。何成奏云物，直是灭萑苻。证逮
符书密，辞连性命俱。竟缘尊汉相，不早辨胡雏。鬼篆分朝
部，军烽照上都。敢云堪恸哭，未免怨洪炉。

丹陛犹敷奏，彤庭钺战争。临危对卢植，自注：是晚独召故相彭阳公入。始悔用庞萌。御仗收前殿，凶徒剧背城。苍黄五色



棒，掩遏一阳生。古有清君侧，今非乏老成。素心虽未易，此举太无名。谁瞑衔冤目，宁吞欲绝声？近闻开寿宴，不废用《咸》《英》。

重有感

玉帐牙旗得上游，安危须共主君忧。窦融表已来关右，陶侃军宜次石头。岂有蛟龙愁失水，更无鹰隼与高秋。昼号夜哭兼幽显，早晚星关雪涕收。

故番禺侯以赃罪致不辜事觉母者他日过其门

饮鸩非君命，兹身亦厚亡。江陵从种橘，交广合投香。不见千金子，空馀数仞墙。杀人须显戮，谁举汉三章？

哭遂州萧侍郎二十四韵

遥作时多难，先令祸有源。初惊逐客议，旋骇党人冤。密侍荣方入，司刑望愈尊。皆因优诏用，实有谏书存。苦雾三辰没，穷阴四塞昏。虎威狐更假，隼击鸟逾喧。徒欲心存阙，终遭耳属垣。遗音和蜀魄，易箠对巴猿。有女悲初寡，无男泣过门。自注：公止裴氏一女，结褵之明年，又丧良人。朝争屈原草，庙馁若敖魂。迴阁伤神峻，长江极望翻。青云宁寄意，白骨始沾恩。早岁思东阁，为邦属故园。自注：余初谒于郑舍。登舟慚郭泰，解榻愧陈蕃。分以忘年契，情犹锡类敦。公先真帝



子，我系本王孙。啸傲张高盖，从容接短辕。秋吟小山桂，春醉后堂萱。自叹离通籍，何尝忘叫阍。不成穿圉入，终拟上书论。多士还鱼贯，云谁正骏奔？暂能诛倏忽，长与问乾坤。蚁漏三泉路，□啼百草根。始知同泰讲，徼福是虚言。

五 松 驿

独下长亭念《过秦》，五松不见见舆薪。只应既斩斯、高后，寻被樵人用斧斤。

令狐八拾遗_见招送裴十四归华州

二十中郎未足稀，骊驹先自有光辉。兰亭宴罢方回去，雪夜诗成道韞归。汉苑风烟催客梦，云台洞穴接郊扉。嗟余久抱临邛渴，便欲因君问钓矶。

和友人戏赠二首

东望花楼会不同，西来双燕信休通。仙人掌冷三霄露，玉女窗虚五夜风。翠袖自随回雪转，烛房寻类外庭空。殷勤莫使清香透，牢合金鱼锁桂丛。

迢递青门有几关？柳梢楼角见南山。明珠可贯须为珮，白璧堪裁且作环。子夜休歌团扇掩，新正未破剪刀闲。猿啼鹤怨终年事，未抵熏炉一夕间。



题二首后重有戏赠任秀才

一丈红蔷拥翠筠，罗窗不识绕街尘。峡中寻觅长逢雨，月里依稀更有人。虚为错刀留远客，枉缘书札损文鳞。遥知小阁还斜照，羨杀乌龙卧锦茵。

李肱所遗画松诗书两纸得四十一韵

万草已凉露，开图披古松。青山遍沧海，此树生何峰？孤根邈无倚，直立撑鸿蒙。端如君子身，挺若壮士胸。樛枝势夭矫，忽欲蟠拏空。又如惊螭走，默与奔云逢。孙枝擢细叶，旖旎狐裘茸。邹颠蓍发软，丽原注：如字。姬眉黛浓。视久眩目睛，倏忽变辉容。竦削正稠直，婀娜旋逶迤。原注：《尔雅》：粤，掣曳也。又如洞房冷，翠被张穹笼。亦若暨罗女，平旦妆颜容。细疑袭气母，猛若争神功。燕雀固寂寂，雾露常冲冲。重兰愧伤暮，碧竹惭空中。可集呈瑞凤，堪藏行雨龙。淮山桂偃蹇，蜀郡桑重童。枝条亮眇脆，灵气何由同。昔闻咸阳帝，近说嵇山依。或著佳人号，或以大夫封。终南与清都，烟雨遥相通。安知夜夜意，不起西南风？美人昔清兴，重之由月钟。宝笏十八九，香缙千万重。一旦鬼瞰室，稠叠张縠罩。赤羽中要害，是非皆匆匆。生如碧海月，死践霜郊蓬。平生握中玩，散失随奴僮。我闻照妖镜，及与神剑锋。寓身会有地，不为凡物蒙。伊人秉兹图，顾盼择所从。而我何为者，开怀捧灵踪。报以漆鸣琴，悬之真珠栊。是时方暑夏，座内若严冬。忆昔谢四骑，学仙玉阳东。千株尽若



此，路入琼瑶宫。口咏《玄云歌》，手把金芙蓉。浓蕙深霓袖，色映琅玕中。悲哉堕世网，去之若遗弓。形魄天坛上，海日高瞳瞳。终期紫鸾归，持寄扶桑翁。

送从翁从东川弘农尚书幕

大镇初更帅，嘉宾素见邀。使车无远近，归路更烟霄。稳放骅骝步，高安翡翠巢。御风知有在，去国肯无聊。早忝诸孙末，俱从小隐招。心悬紫云阁，梦断赤城标。素女悲清瑟，秦娥弄碧箫。山连玄圃近，水接绛河遥。岂意闻周铎，翻然慕舜《韶》。皆辞乔木去，远逐断蓬飘。薄俗谁其激？斯民已甚忉。鸾凰期一举，燕雀不相饶。敢共颓波远，因之内火烧。是非过别梦，时节惨惊飏。未至谁能赋，中干欲病痲。屡曾纡锦绣，勉欲报琼瑶。我恐霜侵鬓，君先绶挂腰。甘心与陈、阮，挥手谢松、乔。锦里差邻接，云台闭寂寥。一川虚月魄，万崦自芝苗。瘴雨龙间急，离魂峡外销。非关无烛夜，其奈落花朝。几处逢鸣珮，何筵不翠翘。蛮僮骑象舞，江市卖鲛绡。南诏知非敌，西山亦屡骄。勿贪佳丽地，不为圣明朝。少减东城饮，时看北斗杓。莫因乖别久，遂逐岁寒凋。盛幕开高宴，将军问故僚。为言公玉季，早日弃渔樵。

南山赵行军新诗盛称游宴之洽因寄一绝

莲幕遥临黑水津，囊鞬无事但寻春。梁王司马非孙武，且免宫中斩美人。



及第东归次灞上却寄同年

芳桂当年各一枝，行期未分压春期。江鱼朔雁长相忆，
秦树嵩云自不知。下苑经过劳想象，东门送饯又差池。霸陵
柳色无离恨，莫枉长条赠所思。

商於新开路

六百商於路，崎岖古共闻。蜂房春欲暮，虎阱日初曛。
路向泉间辨，人从树杪分。更谁开捷径，速拟上青云。

寿安公主出降

妫水闻贞媛，常山索锐师。昔忧迷帝力，今分送王姬。
事等和强虏，恩殊睦本枝。四郊多垒在，此礼恐无时。

寄恼韩同年二首时韩住萧洞

帘外辛夷定已开，开时莫放艳阳回。年华若到经风雨，
便是胡僧话劫灰。

龙山晴雪凤楼霞，洞里迷人有几家？我为伤春心自醉，
不劳君劝石榴花。



哭虔州杨侍郎虞卿

汉网疏仍漏，齐民困未苏。如何大丞相，翻作□刑徒？
 中宪方外易，原注：《史记》云：商鞅多左建外易。尹京终就拘。本矜能
 弭谤，先议取非辜。巧有凝脂密，功无一柱扶。深知狱吏
 贵，几迫季冬诛。叫帝青天阔，辞家白日晡。流亡诚不吊，
 神理若为诬。在昔恩知忝，诸生礼秩殊。入韩非剑客，过赵
 受钳奴。楚水招魂远，邛山卜宅孤。甘心亲垤蚁，旋踵戮城
 狐。原注：是冬舒、李伏粉。阴糜今如此，天灾未可无。莫凭牲玉
 请，便望救焦枯。

病中早访招国李十将军遇挈家游曲江

十顷平波溢岸清，病来惟梦此中行。相如未是真消渴，
 犹放沱江过锦城。

又一首

家近红蕖曲水滨，全家罗袜起秋尘。莫将越客千丝网，
 网得西施别赠人。



韩同年新居饯韩西迎家室戏赠

籍籍征西万户侯，新缘贵婿起朱楼。一名我漫居先甲，
千骑君翻在上头。云路招邀回彩凤，天河迢递笑牵牛。
南朝禁脔无人近，瘦尽琼枝咏《四愁》。

西南行却寄相送者

百里阴云覆雪泥，行人只在雪云西。明朝惊破还乡梦，
定是陈仓碧野鸡。

圣女祠

杳霭逢仙迹，苍茫滞客途。何年归碧落，此路向皇都。
消息期青雀，逢迎异紫姑。肠回楚国梦，心断汉宫巫。
从骑裁寒竹，行车荫白榆。星娥一去后，月姊更来无？
寡鹄迷苍壑，羈凰怨翠梧。惟应碧桃下，方朔是狂夫。

自南山北归经分水岭

水急愁无地，山深故有云。那通极目望，又作断肠分。
郑驿来虽及，燕台哭不闻。犹馀遗意在，许刻镇南勋。



行次西郊作一百韵

蛇年建丑月，我自梁还秦。南下大散岭，北济渭之滨。草木半舒坼，不类冰雪晨。又若夏苦热，焦卷无芳津。高田长槲枿，下田长荆榛。农具弃道旁，饥牛死空墩。依依过村落，十室无一存。存者皆面啼，无衣可迎宾。始若畏人问，及门还具陈：右辅田畴薄，斯民常苦贫。伊昔称乐土，所赖牧伯仁。官清若冰玉，吏善如六亲。生儿不远征，生女事四邻。浊酒盈瓦缶，烂谷堆荆囷。健儿庇旁妇，衰翁舐童孙。况自贞观后，命官多儒臣。例以贤牧伯，征入司陶钧。降及开元中，奸邪挠经纶。晋公忌此事，多录边将勋。因令猛毅辈，杂牧升平民。中原遂多故，除授非至尊。或出幸臣辈，或由帝戚恩。中原困屠解，奴隶厌肥豚。皇子弃不乳，椒房抱羌浑。重赐竭中国，强兵临北边。控弦二十万，长臂皆如猿。皇都三千里，来往同雕鹞。五里一换马，十里一开筵。指顾动白日，暖热回苍旻。公卿辱嘲叱，唾弃如粪丸。大朝会万方，天子正临轩。彩旂转初旭，玉座当祥烟。金障既特设，珠帘亦高褰。捋须蹇不顾，坐在御榻前。忤者死跟履，附之升顶颠。华侈矜递衒，豪俊相并吞。因失生惠养，渐见征求频。奚寇西北来，挥霍如天翻。是时正忘战，重兵多在边。列城绕长河，平明插旗幡。但闻虏骑入，不见汉兵屯。大妇抱儿哭，小妇攀车轡。生小太平年，不识夜闭门。少壮尽点行，疲老守空村。生分作死誓，挥泪连秋云。廷臣例獐怯，诸将如羸奔。为贼扫上阳，捉人送潼关。玉辇望南斗，未知何日旋。诚知开辟久，遘此云雷屯。送者问鼎大，存者要高官。抢攘互间谍，孰辨枭与鸾。千马无返辔，万车无还



辕。城空雀鼠死，人去豺狼喧。南资竭吴、越，西费失河源。因令右藏库，摧毁惟空垣。如人当一身，有左无右边。筋体半痿痹，肘腋生臊膻。列圣蒙此耻，含怀不能宣。谋臣拱手立，相戒无敢先。万国困杼柚，内库无金钱。健儿立霜雪，腹歉衣裳单。馈饷多过时，高估铜与铅。山东望河北，爨烟犹相联。朝廷不暇给，辛苦无半年。行人榷行资，居者税屋椽。中间遂作梗，狼籍用戈□。临门送节制，以锡通天班。破者以族灭，存者尚迁延。礼数异君父，羁縻如羌、零。直求输赤诚，所望大体全。巍巍政事堂，宰相厌八珍。敢问下执事，今谁掌其权？疮痍几十载，不敢抉其根。国蹙赋更重，人稀役弥繁。近年牛医儿，城社更攀缘。盲目把大旆，处此京西藩。乐祸忘怨敌，树党多狂狷。生为人所惮，死非人所怜。快刀断其头，列若猪牛悬。凤翔三百里，兵马如黄巾。夜半军牒来，屯兵万五千。乡里骇供亿，老少相扳牵。儿孙生未孩，弃之无惨颜。不复议所适，但欲死山间。尔来又三岁，甘泽不及春。盗贼亭午起，问谁多穷民。节使杀亭吏，捕之恐无因。咫尺不相见，旱久多黄尘。官健腰佩弓，自言为官巡。常恐值荒迥，此辈还射人。愧客问本末，愿客无因循。郿坞抵陈仓，此地忌黄昏。我听此言罢，冤愤如相焚。昔闻举一会，群盗为之奔。又闻理与乱，系人不系天。我愿为此事，君前剖心肝。叩额出鲜血，滂沱污紫宸。九重黯已隔，涕泗空沾唇。使典作尚书，厮养为将军。慎勿道此言，此言未忍闻。



彭城公薨后赠杜二十七^胜李十七^潘
二君并与愚同出故尚书安平公门下

梁山沔水约从公，两地差池一旦空。谢墅庾村相吊后，
自今岐路更西东。

撰彭阳公志文毕有感

延陵留表墓，岷首送沉碑。敢伐不加点，犹当无愧辞。
百生终莫报，九死谅难追。待得生金后，川原亦几移。

漫成三首

不妨何、范尽诗家，未解当年重物华。远把龙山千里
雪，将来拟并洛阳花。

沈约怜何逊，延年毁谢庄。清新俱有得，名誉底相伤？
雾夕咏芙蓉，何郎得意初。此时谁最赏？沈、范两尚
书。

无 题

照梁初有情，出水旧知名。裙衩芙蓉小，钗茸翡翠轻。
锦长书郑重，眉细恨分明。莫近弹棋局，中心最不平。



安定城楼

迢递高城百尺楼，绿杨枝外尽汀洲。贾生年少虚垂涕，
王粲春来更远游。永忆江湖归白发，欲回天地入扁舟。不知
腐鼠成滋味，猜意鹖雏竟未休。

回中牡丹为雨所败二首

下苑他年未可追，西州今日忽相期。水亭暮雨寒犹在，
罗荐春香暖不知。舞蝶殷勤收落蕊，有人惆怅卧遥帷。章台
街里芳菲伴，且问宫腰损几枝？

浪笑榴花不及春，先期零落更愁人。玉盘迸泪伤心数，
锦瑟惊弦破梦频。万里重阴非旧圃，一年生意属流尘。《前
溪舞》罢君回顾，并觉今朝粉态新。

东 南

东南一望日中乌，欲逐羲和去得无？且向秦楼棠树下，
每朝先觅照罗敷。

和韩录事送宫人入道

星使追还不自由，双童捧上绿琼觞。九枝灯下朝金殿，



三素云中侍玉楼。凤女颠狂成久别，月娥孀独好同游。当时若爱韩公子，埋骨成灰恨未休。

奉和太原公送前杨秀才戴兼招杨正字戎

潼关地接古弘农，万里高飞雁与鸿。桂树一枝当白日，芸香三代继清风。仙舟尚惜乖双美，彩服何由得尽同。谁惮士龙多笑疾，美髭终类晋司空。

戏赠张书记

别馆君孤枕，空庭我闭关。池光不受月，野气欲沉山。星汉秋方会，关河梦几还？危弦伤远道，明镜惜红颜。古木含风久，平芜尽日闲。心知两愁绝，不断若寻环。

赠送前刘五经映三十四韵

建国宜师古，兴邦属上庠。从来以儒戏，安得振朝纲？叔世何多难，兹基遂已亡。泣麟犹委吏，歌凤更佯狂。屋壁馀无几，焚坑逮可伤。挟书秦二世，坏宅汉诸王。草草临盟誓，区区务富强。微茫金马署，狼籍斗鸡场。尽欲心无窍，皆如面正墙。惊疑豹文鼠，贪窃虎皮羊。南渡宜终否？西迁冀小康。策非方正士，贡绝孝廉郎。海鸟悲钟鼓，狙公畏服裳。多岐空扰扰，幽室竟恹恹。凝邈为时范，虚空作士常。何由羞五霸，直自咎三皇。别派驱杨、墨，他轡并老、庄。



《诗》、《书》资破冢，法制困探囊。周礼仍存鲁，隋师果禅唐。鼎新麾一举，革故法三章。星宿森文雅，风雷起退藏。縲囚为学切，掌故受经忙。夫子时之彦，先生迹未荒。褐衣终不召，白首兴难忘。感激诛非圣，栖迟到异菑。片辞褒有德，一字贬无良。燕地尊邹衍，西河重卜商。式閤真道在，拥彗信谦光。自注：外舅太原公亦受经于公也。获预青衿列，叨来绛帐旁。虽从各言志，还要大为防。勿谓孤寒弃，深忧讪直妨。叔孙谗易得，盗跖暴难当。雁下秦云黑，蝉休陇叶黄。莫渝巾屦念，容许后升堂。

四皓庙

羽翼殊勋弃若遗，皇天有运我无时。庙前便接山门路，不长青松长紫芝。

宫中曲

云母滤宫月，夜夜白於水。赚得羊车来，低扇遮黄子。水精不觉冷，自刻鸳鸯翅。蚕缕茜香浓，正朝缠左臂。巴笈两三幅，满写承恩字。欲得识青天，昨夜苍龙是。

无题二首

昨夜星辰昨夜风，画楼西畔桂堂东。身无彩凤双飞翼，心有灵犀一点通。隔座送钩春酒暖，分曹射覆蜡灯红。嗟余



听鼓应官去，走马兰台类转蓬。

闻道阊门萼绿华，昔年相望抵天涯。岂知一夜秦楼客，偷看吴王苑内花。

镜 槛

镜槛芙蓉入，香台翡翠过。拨弦惊《火凤》，交扇拂天鹅。隐忍阳城笑，喧传郢市歌。仙眉琼作叶，佛髻钿为螺。五里无因雾，三秋只见河。月中供药剩，海上得绡多。玉集胡沙割，犀留圣水磨。斜门穿戏蝶，小阁锁飞蛾。骑檐侵鞞卷，车帷约幃□。传书两行雁，取酒一封驼。桥迥凉风压，沟横夕照和。待乌燕太子，驻马魏东阿。想象铺芳缟，依稀解醉罗。散时帘隔露，卧后幕生波。梯稳从攀桂，弓调任射莎。岂能抛断梦，听鼓事朝珂？

曲 池

日下繁香不自持，月中流艳与谁期？迎忧急鼓疏钟断，分隔休灯灭烛时。张盖欲判江滟滟，回头更望柳丝丝。从来此地黄昏散，未信河梁是别离。

有 感

中路因循我所长，古来才命两相妨。劝君莫强安蛇足，一盞芳醪不得尝。



次陕州先寄源从事

离思羸愁日欲晡，东周西雍此分途。回銮佛寺高多少，
望尽黄河一曲无？

荆 山

压河连华势孱颜，鸟没云归一望间。杨仆移关三百里，
可能全是为荆山？

任弘农尉献州刺史乞假归京

黄昏封印点刑徒，愧负荆山入座隅。却羡卞和双刖足，
一生无复没阶趋。

曲 江

望断平时翠辇过，空闻《子夜》鬼悲歌。金舆不返倾城色，
玉殿犹分下苑波。死忆华亭闻唳鹤，老忧王室泣铜驼。
天荒地变心虽折，若比伤春意未多。



景 阳 井

景阳宫井剩堪悲，不尽龙鸾誓死期。肠断吴王宫外水，
浊泥犹得葬西施。

咏 史

历览前贤国与家，成由勤俭破由奢。何须琥珀方为枕，
岂得真珠始是车。运去不逢青海马，力穷难拔蜀山蛇。几人
曾预《南薰曲》？终古苍梧哭翠华。

垂 柳

娉婷小苑中，婀娜曲池东。朝珮皆垂地，仙衣尽带风。
七贤宁占竹，三品且饶松。肠断灵和殿，先皇玉座空。

与同年李定言曲水闲话戏作

海燕参差沟水流，同君身世属离忧。相携花下非秦赘，
对泣春天类楚囚。碧草暗侵穿苑路，珠帘不卷枕江楼。莫惊
玉媵埋香骨，地下伤春亦白头。



井泥四十韵

皇都依仁里，西北有高斋。昨日主人氏，治井堂西陲。工人三五辈，辇出土与泥。到水不数尺，积共庭树齐。他日井甃毕，用土益作堤。曲随林掩映，缭以池周回。下去冥寞穴，上承雨露滋。寄辞别地脉，因言谢泉扉。升腾不自意，畴昔忽已乖。伊余掉行鞅，行行来自西。一日下马到，此时芳草萋。四面多好树，旦暮云霞姿。晚落花满地，幽鸟鸣何枝？萝幄既已荐，山樽亦可开。待得孤月上，如与佳人来。因之感物理，恻怆平生怀。茫茫此群品，不定轮与蹄。尧得舜可禅，不以瞽瞍疑。禹竟代舜立，其父吁咈哉！嬴氏并六合，所来因不韦。汉祖把左契，自言一布衣。当涂佩国玺，本乃黄门携。长戟乱中原，何妨起戎氏。不独帝王尔，臣下亦如斯。伊尹佐兴王，不藉汉父资。磻溪老钓叟，坐为周之师。屠狗与贩缯，突起定倾危。长沙启封土，岂是出程姬？帝问主人翁，有自卖珠儿。武昌昔男子，老苦为人妻。蜀王有遗魄，今在林中啼。淮南鸡舐药，翻向云中飞。大钧运群有，难以一理推。顾于冥冥内，为问秉者谁？我恐更万世，此事愈云为。猛虎与双翅，更以角副之。凤凰不五色，联翼上鸡栖。我欲秉钧者，竭来与我偕。浮云不相顾，寥泝谁为梯？悒悒夜参半，但歌井中泥。

送千牛李将军赴阙五十韵

照席琼枝秀，当年紫绶荣。班资古直阁，勋伐旧西京。



在昔王纲紊，因谁国步清？如无一战霸，安有大横庚？内竖依凭切，凶门责望轻。中台终恶直，上将更要盟。丹陛祥烟灭，皇闱杀气横。喧阗众狙怒，容易八鸾惊。枹机宽之久，防风戮不行。素来矜异类，此去岂亲征。舍鲁真非策，居邠未有名。曾无力牧御，宁待雨师迎。火箭侵乘石，云桥逼禁营。何时绝刁斗，不夜见欃枪。屡亦闻投鼠，谁其敢射鲸。世情休念乱，物议笑轻生。大卤思龙跃，苍梧失象耕。灵衣沾愧汗，仪马困阴兵。别馆兰薰酷，深宫蜡焰明。黄山遮舞态，黑水断歌声。纵未移周鼎，何辞免赵坑。空穹转斗地，数板不沉城。且欲凭神算，无因计力争。幽囚苏武节，弃市仲由纒。下殿言终验，增埤事早萌。原注：先时桑道茂请修奉天城。蒸鸡殊减膳，屑曲异和羹。否极时还泰，屯馀运果亨。流离几南度，仓卒得西平。神鬼收昏黑，奸凶首满盈。官非督护贵，师以丈人贞。覆载还高下，寒暄急改更。马前烹莽、卓，坛上揖韩、彭。扈跸三才正，回军六合晴。此时惟短剑，仍世尽双旌。顾我由群从，逢君叹老成。庆流归嫡长，诒厥在名卿。隼击须当要，鹏抃莫问程。趋朝排玉座，出位泣金茎。幸藉梁园赋，叨蒙许氏评。中郎推贵婿，定远重时英。政已标三尚，人今伫一鸣。长刀悬月魄，快马骇星精。披豁惭深眷，睽离动素诚。蕙留春畹晚，松待岁峥嵘。异县期回雁，登时已饭鯖。去程风刺刺，别夜漏丁丁。庾信生多感，杨朱死有情。弦危中妇瑟，甲冷想夫箏。会与秦楼凤，俱听汉苑莺。洛川迷曲沼，烟月两心倾。

崇让宅东亭醉后沔然有作

曲岸风雷罢，东亭霁日凉。新秋仍酒困，幽兴暂江乡。



摇落真何遽，交亲或未亡。一帆彭蠡月，数雁塞门霜。俗态虽多累，仙标发近狂。声名佳句在，身世玉琴张。万古山空碧，无人鬓免黄。骅骝忧老大，峴□妒芬芳。密竹沉虚籁，孤莲汨晚香。如何此幽胜，淹卧剧清漳？

酬别令狐补阙

惜别夏仍半，回途秋已期。那修直谏草，更赋赠行诗。锦段知无报，青萍肯见疑？人生有通塞，公等系安危。警露鹤辞侣，吸风蝉抱枝。弹冠如不问，又到扫门时。

临发崇让宅紫薇

一树秾姿独看来，秋庭暮雨类轻埃。不先摇落应为有，已欲别离休更开。桃绶含情依露井，柳绵相忆隔章台。天涯地角同荣谢，岂要移根上苑栽？

过伊仆射旧宅

朱邸方酬力战功，华筵俄叹逝波穷。回廊檐断燕飞出，小阁尘凝人语空。幽泪欲干残菊露，馀香犹入败荷风。何能更涉泂江去，独立寒沙吊楚宫？



寄成都高苗二从事

自注：时二公从事商隐座主府。

红莲幕下紫梨新，命断湘南病渴人。今日问君能寄否？
二江风水接天津。

赠刘司户砲

江风扬浪动云根，重碇危樯白日昏。已断燕鸿初起势，
更惊骚客后归魂。汉廷急诏谁先入？楚路高歌自欲翻。万里
相逢欢复泣，凤巢西隔九重门。

潭 州

潭州官舍暮楼空，今古无端入望中。湘泪浅深滋竹色，
楚歌重叠怨兰丛。陶公战舰空滩雨，贾傅承尘破庙风。目断
故园人不至，松醪一醉与谁同？

杏 花

上国昔相值，亭亭如欲言。异乡今暂赏，眠眠岂无恩。
援少风多力，墙高月有痕。为含无限意，遂到不胜繁。仙子
玉京路，主人金谷园。几时辞碧落，谁伴过黄昏？镜拂铅华
膩，炉藏桂烬温。终应催竹叶，先拟咏桃根。莫学啼成血，



从教梦寄魂。吴王采香径，失路入烟村。

岳 阳 楼

欲为平生一散愁，洞庭湖上岳阳楼。可怜万里堪乘兴，
枉是蛟龙解覆舟。

离 思

气尽《前溪舞》，心酸《子夜歌》。峡云寻不得，沟水欲
如何？朔雁传书绝，湘篁染泪多。无由见颜色，还自托微
波。

楚 宫

湘波如泪色漻漻，楚厉迷魂逐恨遥。枫树夜猿愁自断，
女萝山鬼语相邀。空归腐败犹难复，更困腥臊岂易招？但使
故乡三户在，彩丝谁惜惧长蛟。

破 镜

玉匣清光不复持，菱花散乱月轮亏。秦台一照山鸡后，
便是孤鸾罢舞时。



七月二十八日夜与王郑二秀才听雨后梦作

初梦龙宫宝焰然，瑞霞明丽满晴天。旋成醉倚蓬莱树，
有个仙人拍我肩。少顷远闻吹细管，闻声不见隔飞烟。逡巡
又过潇湘雨，雨打湘灵五十弦。瞥见冯夷殊怅望，蛟绡休卖
海为田。亦逢毛女无繆极，龙伯擎将华岳莲。恍惚无倪明又
暗，低迷不已断还连。觉来正是平阶雨，未背寒灯枕手眠。

七月二十九日崇让宅宴作

露如微霰下前池，风过回塘万竹悲。浮世本来多聚散，
红蕖何事亦离披？悠扬归梦惟灯见，濩落生涯独酒知。岂到
白头长只尔，嵩阳松雪有心期。

华州周大夫宴席

原注：西铨。

郡斋何用酒如泉，饮德先时已醉眠。若共门人推礼分，
戴崇争得及彭宣？

鸾 凤

旧镜鸾何处？衰桐凤不栖。金钱饶孔雀，锦段落山鸡。
王子调清管，天人降紫泥。岂无云路分，相望不应迷。



赠子直花下

池光忽隐墙，花气乱侵房。屏缘蝶留粉，窗油蜂印黄。
官书推小吏，侍史从清郎。并马更吟去，寻思有底忙？

哭刘砲

上帝深宫闭九阍，巫咸不下问衔冤。黄陵别后春涛隔，
湓浦书来秋雨翻。只有安仁能作诔，何曾宋玉解《招魂》？
平生风义兼师友，不敢同君哭寝门。

哭刘司户二首

离居星岁易，失望死生分。酒瓮凝馀桂，书签冷旧芸。
江风吹雁急，山木带蝉曛。一叫千回首，天高不为闻。

有美扶皇运，无谁荐直言。已为秦逐客，复作楚冤魂。
湓浦应分派，荆江有会源。并将添恨泪，一洒问乾坤。

哭刘司户砲

路有论冤谪，言皆在中兴。空闻迁贾谊，不待相孙弘。
江阔惟回首，天高但抚膺。去年相送地，春雪满黄陵。



妓席暗记送同年独孤云之武昌

叠嶂千重叫恨猿，长江万里洗离魂。武昌若有山头石，
为拂苍苔检泪痕。

赠别前蔚州契苾使君

自注：使君远祖，国初功臣也。

何年部落到阴陵，奕世勤王国史称。夜掩牙旗千帐雪，
朝飞羽骑一河冰。蕃儿襁负来青冢，狄女壶浆出白登。日晚
□鹄泉畔猎，路人遥识郅都鹰。

灞 岸

山东今岁点行频，几处冤魂哭虏尘。灞水桥边倚华表，
平时二月有东巡。

出关宿盘豆馆对丛芦有感

芦叶稍稍夏景深，邮亭暂欲洒尘襟。昔年曾是江南客，
此日初为关外心。思子台边风自急，玉娘湖上月应沉。清声
不远行人去，一世荒城伴夜砧。



即 日

小苑试春衣，高楼倚暮晖。夭桃惟是笑，舞蝶不空飞。
赤岭久无耗，鸿门犹合围。几家缘锦字，含泪坐鸳机。

淮 阳 路

荒村倚废营，投宿旅魂惊。断雁高仍急，寒溪晓更清。
昔年尝聚盗，此日颇分兵。猜贰谁先致？三朝事始平。

赋 得 鸡

稻粱犹足活诸雏，妒敌专场好自娱。可要五更惊稳梦，
不辞风雪为阳乌。

郑州献从叔舍人香

蓬岛烟霞阆苑钟，三官笺奏附金龙。茅君奕世仙曹贵，
许掾全家道气浓。绛简尚参黄纸案，丹炉犹用紫泥封。不知
他日华阳洞，许上经楼第几重？



怀求古翁

何时粉署仙，傲兀逐戎旃。关塞犹传箭，江湖莫系船。
欲收棋子醉，竟把钓车眠。谢朓真堪忆，多才不忌前。

和韦潘前辈七月十二日夜泊池
州城下先寄上李使君

桂含爽气三秋首，蕙吐中旬二叶新。正是澄江如练处，
玄晖应喜见诗人。

和刘评事永乐闲居见寄

白社幽闲君暂居，青云器业我全疏。看封谏草归鸾掖，
尚贲衡门待鹤书。莲耸碧峰关路近，荷翻翠盖水堂虚。自探
典籍忘名利，欹枕时惊落鏹鱼。

戏题赠稷山驿吏王全

自注：全为驿吏

五十六年，人称有道术，往来多赠诗章。

绛台驿吏老风尘，耽酒成仙几十春。过客不劳询甲子，
惟书亥字与时人。



登霍山驿楼

庙列前峰迥，楼开四望穷。岭巖岚色外，陂雁夕阳中。
弱柳千条路，衰荷一向风。壶关有狂孽，速继老生功。

幽居冬暮

羽翼摧残日，郊园寂寞时。晓鸡惊树雪，寒鹭守冰池。
急景倏云暮，颓年寢已衰。如何匡国分，不与夙心期。

行次昭应县道上送户部李郎中充昭义攻讨

将军大旆扫狂童，诏选名贤赞武功。暂逐虎牙临故绛，
远含鸡舌过新丰。鱼游沸鼎知无日，鸟覆危巢岂待风。早勒
勋庸燕石上，伫光纶昧汉庭中。

大卤平后移家到永和县居书怀十韵寄 刘韦二前辈二公尝于此县寄居

驱马绕河干，家山照露寒。依然五柳在，况复百花残。
昔去惊投笔，今来分挂冠。不忧悬磬乏，乍喜覆盂安。甑破
宁回顾，舟沉岂暇看。脱身离虎口，移疾就猪肝。鬓入新年
白，颜无旧日丹。自悲秋获少，谁惧夏畦难？逸志忘鸿鹄，



清香披蕙兰。还持一杯酒，坐想二公欢。

和马郎中移白菊见示

陶诗只采黄金实，郢曲新传《白雪》英。素色不同篱下发，繁花疑自月中生。浮杯小摘开云母，带露旋移缀水精。偏称含香五字客，从兹得地始芳荣。

寄和水部马郎中题兴德驿时昭义已平

仙郎倦去心，郑驿暂登临。水色潇湘阔，沙程朔漠深。
□舟时往复，鸥鸟恣浮沉。更想逢归马，悠悠岳树阴。

喜闻太原同院崔侍御台拜兼寄在台三二同年之什

鹏鱼何事遇屯同？云水升沉一会中。刘放未归鸡树老，邹阳新去兔园空。寂寥我对先生柳，赫奕君乘御史骢。若向南台见莺友，为传垂翅度春风。

寄令狐郎中

嵩云秦树久离居，双鲤迢迢一纸书。休问梁园旧宾客，茂陵秋雨病相如。



灵仙阁晚眺寄郢州韦评事

愚公方住谷，仁者本依山。共誓林泉志，胡为樽俎间？
华莲开菡萏，荆玉刻孱颜。爽气临周道，岚光出汉关。满壶
从蚁泛，高阁已苔斑。想就安车召，宁期负矢还。潘游全璧
散，郭去半舟闲。定笑幽人迹，鸿轩不可攀。

明 神

明神司过岂令冤，暗室由来有祸门。莫为无人欺一物，
他时须虑石能言。

过姚孝子庐偶书

拱木临周道，荒庐积古苔。鱼因感姜出，鹤为吊陶来。
两鬓蓬常乱，双眸血不开。圣朝敦尔类，非独路人哀。

四年冬以退居蒲之永乐渴然有农夫望岁之志
遂作忆雪又作残雪诗各一百言以寄情于游旧

忆 雪

爱景人方乐，同云候稍愆。徒闻周雅什，愿赋《朔风》



篇。欲俟千箱庆，须资六出妍。咏留飞絮后，歌倡《落梅》前。庭树思琼蕊，妆楼认粉绵。瑞邀盈尺日，丰待两岐年。预约延枚酒，虚乘访戴船。映书孤志业，披篲阻神仙。几向霜阶步，频将月幌褰。玉京应已足，白屋但颀然。

残 雪

旭日开晴色，寒空失素尘。绕墙全剥粉，傍井渐消银。刻兽摧盐虎，为山倒玉人。珠还犹照魏，璧碎尚留秦。落日惊侵昼，馀光误惜春。檐冰滴鹅管，屋瓦镂鱼鳞。岭霁岚光坼，松暄翠粒新。拥林愁拂尽，著砌恐行频。焦寝忻无患，梁园去有因。莫能知帝力，空此荷平均。

寒食行次冷泉驿

归途仍近节，旅宿倍思家。独夜三更月，空庭一树花。介山当驿秀，汾水绕关斜。自怯春寒苦，那堪禁火赊。

评事翁寄赐饧粥走笔为答

粥香饧白杏花天，省对流莺坐绮筵。今日寄来春已老，凤楼迢递忆秋千。

县中恼饮席

晚醉题诗赠物华，罢吟还醉忘归家。若无江氏五色笔，



争奈河阳一县花。

花 下 醉

寻芳不觉醉流霞，倚树沉眠日已斜。客散酒醒深夜后，
更持红烛赏残花。

永乐县所居一草一木无非自栽今春悉 已芳茂因书即事一章

手种悲陈事，心期玩物华。柳飞彭泽雪，桃散武陵霞。
枳嫩栖鸾叶，桐香待凤花。绶藤萦弱蔓，袍草展新芽。学植
功虽倍，成蹊迹尚赊。芳年谁共玩？终老召平瓜。

自 喜

自喜蜗牛舍，兼容燕子巢。绿筠遗粉箨，红药绽香苞。
虎过遥知弃，鱼来且佐庖。慢行成酩酊，邻壁有松醪。

春宵自遣

地胜遗尘事，身闲念岁华。晚晴风过竹，深夜月当花。
石乱知泉咽，苔荒任径斜。陶然恃琴酒，忘却在山家。



题道靖院院在中条山故王颜中丞所置
虢州刺史舍官居此今写真存焉

紫府丹成化鹤群，青松手植变龙文。壶中别有仙家日，
岭上犹多隐士云。独坐遗芳成故事，褰帷旧貌似元君。自怜
筑室灵山下，徒望朝岚与夕曛。

题小松

怜君孤秀植庭中，细叶轻阴满座风。桃李盛时虽寂寞，
雪霜多后始青葱。一年几变枯荣事，百尺方资柱石功。为谢
西园车马客，定悲摇落尽成空。

七夕偶题

宝婺摇珠珮，常娥照玉轮。灵归天上匹，巧遗世间人。
花果香千户，笙竽滥四邻。明朝晒犊鼻，方信阮郎贫。

秋日晚思

桐槿日零落，雨馀方寂寥。枕寒庄蝶去，窗冷胤萤销。
取适琴将酒，忘名牧与樵。平生有游旧，一一在烟霄。



菊

暗暗淡淡紫，融融冶冶黄。陶令篱边色，罗含宅里香。
几时禁重露，实是怯残阳。愿泛金鸂鶒，升君白玉堂。

汉宫词

青雀西飞竟未回，君王长在集灵台。侍臣最有相如渴，
不赐金茎露一杯。

所居

窗下寻书细，溪边坐石平。水风醒酒病，霜日曝衣轻。
鸡黍随人设，蒲鱼得地生。前贤无不谓，容易即遗名。

奉同诸公题河中任中丞新创河亭四韵之作

万里谁能访十洲？新亭云构压中流。河鲛纵玩难为室，
海蜃遥惊耻化楼。左右名山穷远目，东西大道锁轻舟。独留
巧思传千古，长与蒲津作胜游。



无愁果有愁曲北齐歌

东有青龙西白虎，中含福星包世度。玉壶渭水笑清潭，
凿天不到牵牛处。骐驎蹋云天马狞，牛山撼碎珊瑚声。
秋娥点滴不成泪，十二玉楼无故钉。推烟唾月抛千里，
十番红桐一行死。白杨别屋鬼迷人，空留暗记如蚕纸。
日暮向风牵短丝，血凝血散今谁是？

喜 雪

朔雪自龙沙，呈祥势可嘉。有田皆种玉，无树不开花。
班扇慵裁素，曹衣讵比麻。鹅归逸少宅，鹤满令威家。
寂寞门扉掩，依稀履迹斜。人疑游面市，马似困盐车。
洛水妃虚妒，姑山客漫夸。联辞追许谢，和曲本惭《巴》。
粉署闹全隔，霜台路渐赊。此时倾贺酒，相望在京华。

小园独酌

柳带谁能结？花房未肯开。空馀双蝶舞，竟绝一人来。
半展龙须席，轻斟马脑杯。年年春不定，虚信岁前梅。



小 桃 园

竟日小桃园，休寒亦未暄。坐莺当酒重，送客出墙繁。
啼久艳粉薄，舞多香雪翻。犹怜未圆月，先出照黄昏。

自 祝

陶令弃官后，仰眠书屋中。谁将五斗米，拟换北窗风？

所居永和县久旱县宰祈祷得雨因赋诗

甘膏滴滴是精诚，昼夜如丝一尺盈。只怪间阎喧鼓吹，
邑人同报束长生。

落 花

高阁客竟去，小园花乱飞。参差连曲陌，迢递送斜晖。
肠断未忍扫，眼穿仍欲稀。芳心向春尽，所得是沾衣。

春日寄怀

世间荣落重逡巡，我独邱园坐四春。纵使有花兼有月，



可堪无酒又无人。青袍似草年年定，白发如丝日日新。欲逐
风波千万里，未知何路到龙津。

过故府中武威公交城旧庄感事

信陵亭馆接郊畿，幽象遥通晋水祠。日落高门喧燕雀，
风飘大树撼熊罴。新蒲似笔思投日，芳草如茵忆吐时。山下
只今黄绢字，泪痕犹堕六州儿。

寄蜀客

君到临邛问酒垆，近来还有长卿无？金徽却是无情物，
不许文君忆故夫。

蜀桐

玉垒高桐拂玉绳，上含非雾下含冰。枉教紫凤无栖处，
斫作秋琴弹《坏陵》。

昭肃皇帝挽歌辞三首

九县怀雄武，三灵仰睿文。周王传叔父，汉后重神君。
玉律朝惊露，金茎夜切云。笳箫凄欲断，无复咏横汾。

玉塞惊宵柝，金桥罢举烽。始巢阿阁凤，旋驾鼎湖龙。



门咽通神鼓，楼凝警夜钟。小臣观吉从，犹误欲东封。

莫验昭华琯，虚传甲帐神。海迷求药使，雪隔献桃人。
桂寝青云断，松扉白露新。万方同象鸟，舆动满秋尘。

茂陵

汉家天马出蒲梢，苜蓿榴花遍近郊。内苑只知含凤觜，
属车无复插鸡翘。玉桃偷得怜方朔，金屋修成贮阿娇。谁料
苏卿老归国，茂陵松柏雨萧萧。

汉宫

通灵夜醮达清晨，承露盘晞甲帐春。王母西归方朔去，
更须重见李夫人。

华岳下题西王母庙

神仙有分岂关情，八马虚追落日行。莫恨名姬中夜没，
君王犹自不长生。

瑶池

瑶池阿母绮窗开，《黄竹》歌声动地哀。八骏日行三万里，
穆王何事不重来？



过景陵

武皇精魄久仙升，帐殿凄凉烟雾凝。俱是苍生留不得，
鼎湖何异魏西陵。

四皓庙

本为留侯慕赤松，汉庭方识紫芝翁。萧何只解追韩信，
岂得虚当第一功？



诗集卷二 编年诗

喜舍弟羲叟及第上礼部魏公

国以斯文重，公仍内署来。风标森太华，星象逼中台。
朝满迁莺侣，门多吐凤才。宁同鲁司寇，惟铸一颜回。

题郑大有隐居

结构何峰是？喧闲此地分。石梁高泻月，樵路细侵云。
偃卧蛟螭室，希夷鸟兽群。近知西岭上，玉管有时闻。自注：
君居近子晋憩鹤台。

谢往桂林至彤庭窃咏

辰象森罗正，勾陈翊卫宽。鱼龙排百戏，剑珮俨千官。
城禁将开晚，宫深欲曙难。月轮移杵诣，仙路下阑干。共贺



高祿应，将陈寿酒欢。金星压芒角，银汉转波澜。王母来空阔，羲和上屈盘。凤凰传诏旨，獬豸冠朝端。造化中台坐，威风大将坛。甘泉犹望幸，早晚冠呼韩。

离 席

出宿金樽掩，从公玉帐新。依依向馀照，远远隔芳尘。细草翻惊雁，残花伴醉人。杨朱不用劝，只是更沾巾。

春 游

桥峻斑骓疾，川长白鸟高。烟轻惟润柳，风滥欲吹桃。徙倚三层阁，摩挲七宝刀。庾郎年最少，青草妒春袍。

岳 阳 楼

汉水方城带百蛮，四邻谁道乱周班？如何一梦高唐雨，自此无心入武关。

海 客

海客乘槎上紫氛，星娥罢织一相闻。只应不惮牵牛妒，聊用支机石赠君。



桂 林

城窄山将压，江宽地共浮。东南通绝域，西北有高楼。
神护青枫岸，龙移白石湫。殊乡竟何祷？箫鼓不曾休。

深树见一颗樱桃尚在

高桃留晚实，寻得小庭南。矮堕绿云髻，欹危红玉簪。
惜堪充凤食，痛已被莺含。越鸟夸香荔，齐名亦未甘。

晚 晴

深居俯夹城，春去夏犹清。天意怜幽草，人间重晚晴。
并添高阁迥，微注小窗明。越鸟巢干后，归飞体更轻。

五月六日夜忆往岁秋与澈师同宿

紫阁相逢处，丹岩托宿时。堕蝉翻败叶，栖鸟定寒枝。
万里飘流远，三年问讯迟。炎方忆初地，频梦碧琉璃。



酬令狐郎中见寄

望郎临古郡，佳句洒丹青。应自邱迟宅，仍过柳恹汀。
封来江渺渺，信去雨冥冥。句曲闻仙诀，临川得佛经。朝吟
搯客枕，夜读漱僧瓶。不见衔芦雁，空流腐草萤。土宜悲坎
井，天怒识雷霆。象卉分疆近，蛟涎浸岸腥。补羸贪紫桂，
负气托青萍。万里悬离抱，危于讼阁铃。

寓目

园桂悬心碧，池莲饫眼红。此生真远客，几别即衰翁。
小幌风烟入，高窗雾雨通。新知他日好，锦瑟傍朱栊。

席上作

淡云轻雨拂高唐，玉殿秋来夜正长。料得也应怜宋玉，
一生惟事楚襄王。

夜意

帘垂幕半卷，枕冷被仍香。如何为相忆，魂梦过潇湘。



访 秋

酒薄吹还醒，楼危望已穷。江皋当落日，帆席见归风。
烟带龙潭白，霞分鸟道红。殷勤报秋意，只是有丹枫。

城 上

有客虚投笔，无繆独上城。沙禽失侣远，江树著阴轻。
边遽稽天讨，军须竭地征。贾生游刃极，作赋又论兵。

念 远

日月淹秦甸，江湖动越吟。苍梧应露下，白阁白云深。
皎皎非鸾扇，翘翘失凤簪。床空鄂君被，杵冷女瞭砧。北思
惊沙雁，南情属海禽。关山已摇落，天地共登临。

朱槿花二首

莲后红何患？梅先白莫夸。才飞建章火，又落赤城霞。
不卷锦步障，未登油壁车。日西相对罢，休浣向天涯。

勇多侵露去，恨有碍灯还。嗅自微微白，看成沓沓殷。
坐忘疑物外，归去有帘间。君问伤春句，千辞不可删。



桂林路中作

地暖无秋色，江晴有暮晖。空馀蝉嘒嘒，犹向客依依。
村小犬相护，沙平僧独归。欲成西北望，又见鹧鸪飞。

高 松

高松出众木，伴我向天涯。客散初晴后，僧来不语时。
有风传雅韵，无雪试幽姿。上药终相待，他年访伏龟。

海 上 谣

桂水寒于江，玉兔秋冷咽。海底觅仙人，香桃如瘦骨。
紫鸾不肯舞，满翅蓬山雪。借得龙堂宽，晓出揲云发。刘郎
旧香炷，立见茂陵树。云孙帖帖卧秋烟，上元细字如蚕眠。

江村题壁

沙岸竹森森，维舟听越禽。数家同老寿，一径自阴深。
喜客尝留橘，应官说采金。倾壶真得地，爱日静霜砧。



洞庭鱼

洞庭鱼可拾，不假更垂罾。闹若雨前蚁，多于秋后蝇。
岂思鳞作簟，仍计腹为灯。浩荡天池路，翱翔欲化鹏。

自桂林奉使江陵途中感怀寄献尚书

下客依莲幕，明公念竹林。自注：公与江陵相国韶叙叔侄。纵然
膺使命，何以奉徽音。投刺虽伤晚，酬恩岂在今。迎来青琐
闼，从到碧瑶岑。水势初知海，天文始识参。固惭非贾谊，
惟恐后陈琳。前席惊虚辱，华樽许细斟。尚怜秦痔苦，不遣
楚醪沉。既载从戎笔，仍披选胜襟。洄通伏波柱，帘对有虞
琴。宅与严城接，门藏别岫深。阁凉松冉冉，堂静桂森森。
社内容周续，乡中保展禽。白衣居士访，乌帽逸人寻。佞佛
将成缚，耽书或类淫。长怀五羖赎，终著《九州箴》。良讯
封鸳绮，馀光借玳簪。张衡愁浩浩，沈约瘦恹恹。芦白疑粘
鬓，枫丹欲照心。归期无雁报，旅抱有猿侵。短日安能驻，
低云只有阴。乱鸦冲□网，寒女簇遥砧。东道违宁久，西园
望不禁。江生魂黯黯，泉客泪涔涔。逸翰应藏法，高辞肯浪
吟？数须传庾翼，莫独与卢谌。假寐凭书箧，哀吟叩剑镡。
未尝贪偃息，那复议登临。彼美回清镜，其谁受曲针？人皆
向燕路，无乃费黄金。



宋 玉

何事荆台百万家，惟教宋玉擅才华？《楚词》已不饶唐勒，《风赋》何曾让景差。落日渚宫供观阁，开年云梦送烟花。可怜庾信寻荒径，犹得三朝托后车。

即 日

桂林闻旧说，曾不异炎方。自注：宋考功有“小长安”之句也。山响匡床语，花飘度腊香。几时逢雁足，著处断猿肠。独抚青青桂，临城忆雪霜。

凤

万里峰峦归路迷，未判容彩借山鸡。新春定有将雏乐，阿阁华池两处栖。

北 楼

春物岂相干，人生只强欢。花犹曾敛夕，酒竟不知寒。异域东风湿，中华上象宽。此楼堪北望，轻命倚危栏。



思 归

固有楼堪倚，能无酒可倾？岭云春沮洳，江月夜晴明。
鱼乱书何托，猿哀梦易惊。旧居连上苑，时节正迁莺。

异俗二首

自注：时从事岭南。

鬼疟朝朝避，春寒夜夜添。未惊雷破柱，不报水齐檐。
虎箭侵肤毒，鱼钩刺骨铗。鸟言成谍诉，多是恨彤襜。

户尽悬秦网，家多事越巫。未曾容獭祭，只是纵猪都。
点对连鳌饵，搜求缚虎符。贾生兼事鬼，不信有洪炉。

昭 郡

桂水春犹早，昭川日正西。虎当官路斗，猿上驿楼啼。
绳烂金沙井，松干乳洞梯。乡音吁可骇，仍有醉如泥。

贾 生

宣室求贤访逐臣，贾生才调更无伦。可怜夜半虚前席，
不问苍生问鬼神。



李 卫 公

绛纱弟子音尘绝，鸾镜佳人旧会稀。今日致身歌舞地，
木棉花暖鹧鸪飞。

题 鵝

眠沙卧水自成群，曲岸残阳极浦云。那解将心怜孔翠，
羈雌长共故雄分。

寄令狐学士

秘殿崔嵬拂彩霓，曹司今在殿东西。赧歌太液翻黄鹄，
从猎陈仓获碧鸡。晓饮岂知金掌迥，夜吟应讶玉绳低。钧天
虽许人间听，阊阖门多梦自迷。

钧 天

上帝钧天会众灵，昔人因梦到青冥。伶伦吹裂孤生竹，
却为知音不得听。



玉 山

玉山高与阆风齐，玉水清流不贮泥。何处更求回日驭，
此中兼有上天梯。珠容百斛龙休睡，桐拂千寻凤要栖。闻道
神仙有才子，赤箫吹罢好相携。

灯

皎洁终无倦，煎熬亦自求。花时随酒远，雨夜背窗休。
冷暗黄茅驿，暄明紫桂楼。锦囊名画揜，玉局败棋收。何处
无佳梦，谁人不隐忧？影随帘押转，光信篔文流。客自胜潘
岳，侬今定莫愁。固应留半焰，回照下帏羞。

送郑大台文南覲

黎辟滩声五月寒，南风无处附平安。君怀一匹胡威绢，
争拭酬恩泪得干？

献寄旧府开封公

幕府三年远，《春秋》一字褒。书论秦《逐客》，赋续楚
《离骚》。地理南溟阔，天文北极高。酬恩抚身世，未觉胜鸿
毛。



同崔八诣药山访融禅师

共受征南不次恩，报恩惟是有忘言。岩花涧草西林路，
未见高僧且见猿。

汉南书事

西师万众几时回，哀痛天书近已裁。文吏何曾重刀笔，
将军犹自舞轮台。几时拓土成王道？从古穷兵是祸胎。陛下
好生千万寿，玉楼长御白云杯。

荆门西下

一夕南风一叶危，荆门回望夏云时。人生岂得轻离别，
天意何曾忌香巖。骨肉书题安绝徼，蕙兰溪径失佳期。洞庭
湖阔蛟龙恶，却羡杨朱泣路岐。

旧将军

云台高议正纷纷，谁定当时荡寇勋？日暮灞陵原上猎，
李将军是旧将军。



泪

永巷长年怨绮罗，离情终日思风波。湘江竹上痕无限，
岷首碑前洒几多。人去紫台秋入塞，兵残楚帐夜闻歌。朝来
灞水桥边问，未抵青袍送玉珂。

乱石

虎踞龙蹲纵复横，星光渐减雨痕生。不须并碍东西路，
哭杀厨头阮步兵。

槿花

风露凄凄秋景繁，可怜荣落在朝昏。未央宫里三千女，
但保红颜莫保恩。

陆发荆南始至商洛

昔去真无素，今还岂自知？青辞木奴橘，紫见地仙芝。
四海秋风阔，千岩暮景迟。向来忧际会，犹有五湖期。



归 墅

行李逾南极，旬时到旧乡。楚芝应遍紫，邓橘未全黄。
渠浊村舂急，旗高社酒香。故山归梦喜，先入读书堂。

楚 泽

夕阳归路后，霜野物声干。集鸟翻渔艇，残虹拂马鞍。
刘桢元抱病，虞寄数辞官。白袷经年卷，西来又早寒。

戊辰会静中出贻同志二十韵

大道谅无外，会越自登真。丹元子何索？在己莫问邻。
蓂璿玉琳华，翱翔九真君。戏掷万里火，聊召六甲旬。瑶简
被灵诰，持符开七门。金铃摄群魔，绛节何飏飏。吟弄东海
若，倚笑扶桑春。三山诚回视，九州扬一尘。我本玄元胄，
禀华由上津。中迷鬼道乐，沉为下土民。托质属太阴，炼形
复为人。誓将覆宫泽，安此真与神。龟山有慰荐，南真为弥
纶。玉管会玄圃，火枣承天姻。科车遏故气，侍香传灵芬。
飘纒被青霓，婀娜佩紫纹。林洞何其微，下仙不与群。丹泥
因未控，万劫犹逡巡。荆芜既以薶，舟壑永无湮。相期保妙
命，腾景侍帝宸。



河清与赵氏昆季宴集得拟杜工部

胜概殊江右，佳名逼渭川。虹收青嶂雨，鸟没夕阳天。
客喜行如此，沧波坐眇然。此中真得地，漂荡钓鱼船。

寓 怀

彩鸾餐颢气，威凤入卿云。长养三清境，追随五帝君。
烟波遗汲汲，矰缴任云云。下界围黄道，前程合紫氛。
《金书》惟是见，玉管不胜闻。草为回生种，香缘却死熏。
海明三岛见，天迥九江分。騫树无劳援，神禾岂用耘。
斗龙风结阵，恼鹤露成文。汉岭霜何早，秦宫日易曛。
星机抛密绪，月杵散灵芬。阳鸟西南下，相思不及群。

无 题

万里风波一叶舟，忆归初罢更夷犹。碧江地没元相引，
黄鹤沙边亦少留。益德冤魂终报主，阿童高义镇横秋。
人生岂得长无谓，怀古思乡共白头。

江 上

万里风来地，清江北望楼。云通梁苑路，月带楚城秋。



刺字从漫灭，归途尚阻修。前程更烟水，吾道岂淹留。

风

回拂来鸿急，斜催别燕高。已寒休惨淡，更远尚呼号。
楚色分西塞，夷音接下牢。归舟天外有，一为戒波涛。

九 日

曾共山翁把酒时，霜天白菊绕阶墀。十年泉下无消息，
九日樽前有所思。不学汉臣栽苜蓿，空教楚客咏江蓠。
郎君官贵施行马，东阁无因再得窥。

摇 落

摇落伤年日，羁留念远心。水亭吟断续，月幌梦飞沉。
古木含风久，疏萤怯露深。人闲始遥夜，地迥更清砧。
结爱曾伤晚，端忧复至今。未谙沧海路，何处玉山岑？
滩激黄牛暮，云屯白帝阴。遥知沾洒意，不减欲分襟。

过 楚 宫

巫峡迢迢旧楚宫，至今云雨暗丹枫。微生尽恋人间乐，
只有襄王忆梦中。



深 宫

金殿销香闭绮栊，玉壶传点咽铜龙。狂飚不惜萝阴薄，
清露偏知桂叶浓。斑竹岭边无限泪，景阳宫里及时钟。岂知
为雨为云处，只有高唐十二峰。

夜雨寄北

君问归期未有期，巴山夜雨涨秋池。何当共剪西窗烛，
却话巴山夜雨时。

因 书

绝徼南通栈，孤城北枕江。猿声连月槛，鸟影落天窗。
海石分棋子，邨筒当酒缸。生归话辛苦，别夜对凝真。

巴 江 柳

巴江可惜柳，柳色绿侵江。好向金銮殿，移阴入绮窗。



初 起

想象咸池日欲光，五更钟后更回肠。三年苦雾巴江水，不为离人照屋梁。

武侯庙古柏

蜀相阶前柏，龙蛇捧神宫。阴成外江畔，老向惠陵东。大树思冯异，《甘棠》忆召公。叶雕湘燕雨，枝拆海鹏风。玉垒经纶远，金刀历数终。谁将《出师表》，一为问昭融？

井 络

井络天彭一掌中，漫夸天设剑为峰。阵图东聚烟江石，边柝西悬雪岭松。堪叹故君成杜宇，可能先主是真龙。将来为报奸雄辈，莫向金牛访旧踪。

杜工部蜀中离席

人生何处不离群，世路干戈惜暂分。雪岭未归天外使，松州犹驻殿前军。座中醉客延醒客，江上晴云杂雨云。美酒成都堪送老，当垆仍是卓文君。



梦令狐学士

山驿荒凉白竹扉，残灯向晓梦清晖。右银台路雪三尺，
凤诏裁成当直归。

北 禽

为恋巴江暖，无辞瘴雾蒸。纵能朝杜宇，可得值苍鹰。
石小虚填海，芦钜未破罍。知来有干鹊，何不向雕陵？

梓潼望长卿山至巴西复怀谯秀

梓潼不见马相如，更欲南行问酒垆。行到巴西觅谯秀，
巴西惟是有寒芜。

夜 饮

卜夜容衰鬓，开筵属异方。烛分歌扇泪，雨送酒船香。
江海三年客，乾坤百战场。谁能辞酩酊，淹卧剧清漳。



利州江潭作

神剑飞来不易销，碧潭珍重驻兰桡。自携明月移灯疾，
欲就行云散锦遥。河伯轩窗通贝阙，水宫帷箔卷冰绡。他时
燕脯无人寄，雨满空城蕙叶雕。

重过圣女祠

白石岩扉碧藓滋，上清沦谪得归迟。一春梦雨常飘瓦，
尽日灵风不满旗。萼绿华来无定所，杜兰香去未移时。玉郎
会此通仙籍，忆向天阶问紫芝。

木 兰

二月二十二，木兰开拆初。初当新病酒，复自久离居。
愁绝更倾国，惊新闻远书。紫丝何日障，油壁几时车。弄粉
知伤重，调红或有馀。波痕空映袜，烟态不胜裾。桂岭含芳
远，莲塘属意疏。瑶姬与神女，长短定何如？

木 兰 花

洞庭波冷晓侵云，日日征帆送远人。几度木兰舟上望，
不知元是此花身。



赠句芒神

佳期不定春期赊，春物天闲兴咨嗟。愿得句芒索青女，不教容易损年华。

谒 山

从来系日乏长绳，水去云回恨不胜。欲就麻姑买沧海，一杯春露冷如冰。

和孙朴韦蟾孔雀咏

此去三梁远，今来万里携。西施因网得，秦客被花迷。可在青鹦鹉，非关碧野鸡。约眉怜翠羽，刮膜想金篦。瘴气笼飞远，蛮花向坐低。轻于赵皇后，贵极楚悬黎。都护矜罗幕，佳人炫绣袿。屏风临烛钿，捍拨倚香脐。旧思牵云叶，新愁待雪泥。爱堪通梦寐，画得不端倪。地锦排苍雁，帘钉镂白犀。曙霞星斗外，凉月露盘西。妒好休夸舞，经寒且少啼。红楼三十级，稳稳上丹梯。

碧 瓦

碧瓦衔珠树，红轮结绮寮。无双汉殿鬓，第一楚宫腰。



雾唾香难尽，珠啼冷易销。歌从雍门学，酒是蜀城烧。柳暗将翻巷，荷欹正抱桥。钿辘开道入，金管隔邻调。梦到飞魂急，书成即席遥。河流冲柱转，海沫近槎飘。吴市鬻蠃甲，巴苴翡翠翘。他时未知意，重叠赠娇饶。

肠

有怀非惜恨，不奈寸肠何。即席回弥久，前时断固多。热应翻急烧，冷欲彻空波。隔树淅淅雨，通池点点荷。倦程山向背，望国阙嵯峨。故念飞书及，新欢借梦过。染筠休伴泪，绕雪莫追歌。拟问阳台事，年深楚语讹。

射鱼曲

思牢弩箭磨青石，绣额蛮渠三虎力。寻潮背日伺涵鳞，贝阙夜移鲸失色。纤纤粉簪馨香饵，绿鸭回塘养龙水。含冰汉语远于天，何由回作金盘死？

无题四首

来是空言去绝踪，月斜楼上五更钟。梦为远别啼难唤，书被催成墨未浓。蜡照半笼金翡翠，麝熏微度绣芙蓉。刘郎已恨蓬山远，更隔蓬山一万重。

飒飒东南细雨来，芙蓉塘外有轻雷。金蟾葳蕤烧香入，玉虎牵丝汲井回。贾氏窥帘韩掾少，宓妃留枕魏王才。春心



莫共花争发，一寸相思一寸灰。

含情春晼晚，暂见夜阑干。楼响将登怯，帘烘欲过难。
多羞钗上燕，真愧镜中鸾。归去横塘晓，华星送宝鞍。

何处哀筝随急管，樱花永巷垂杨岸。东家老女嫁不售，
白日当天三月半。溧阳公主年十四，清明暖后同墙看。归来
展转到五更，梁间燕子闻长叹。

哀 筝

延颈全同鹤，柔肠素怯猿。湘波无限泪，蜀魄有馀冤。
轻幃长无道，哀筝不出门。何由问香炷，翠幕自黄昏。

槿花二首

燕体伤风力，鸡香积露文。殷鲜一相杂，啼笑两难分。
月里宁无姊，云中亦有君。三清与仙岛，何事亦离群。

珠馆薰燃久，玉房梳扫馀。烧兰才作烛，褰锦不成书。
本以亭亭远，翻嫌眊眊疏。回头问残照，残照更空虚。

即 日

小鼎煎茶面曲池，白须道士竹间棋。何人书破蒲葵扇，
记著南塘移树时。



促 漏

促漏遥钟动静闻，报章重叠杳难分。舞鸾镜匣收残黛，
睡鸭香炉换夕熏。归去定知还向月，梦来何处更为云？南塘
渐暖蒲堪结，两两鸳鸯护水纹。

如 有

如有瑶台客，相难复索归。芭蕉开绿扇，菡萏荐红衣。
浦外传光远，烟中结响微。良宵一寸艳，回首是重帏。

令狐舍人说昨夜西掖玩月因戏赠

昨夜玉轮明，传闻近太清。凉波冲碧瓦，晓晕落金茎。
露索秦宫井，风弦汉殿筝。几时《绵竹颂》，拟荐《子虚》
名。

昨 夜

不辞鶗鴂妒年芳，但惜流尘暗烛房。昨夜西池凉露满，
桂花吹断月中香。



杜 司 勋

高楼风雨感斯文，短翼差池不及群。刻意伤春复伤别，
人间惟有杜司勋。

赠司勋杜十三员外

杜牧司勋字牧之，清秋一首杜陵诗。前身应是梁江羈，
名羈还曾字羈持。心铁已从干镞利，鬢丝休叹雪霜垂。汉江
远吊西江水，羊祜韦丹尽有碑。原注：时杜奉诏撰《韦碑》。

无 题

相见时难别亦难，东风无力百花残。春蚕到死丝方尽，
蜡炬成灰泪始干。晓镜但愁云鬢改，夜吟应觉月光寒。蓬山
此去无多路，青鸟殷勤为探看。

故驿迎吊故桂府常侍有感

饥乌翻树晚鸡啼，泣过秋原没马泥。二纪征南恩与旧，
此时丹旆玉山西。



野 菊

苦竹园南椒坞边，微香冉冉泪涓涓。已悲节物同寒雁，
忍委芳心与暮蝉。细路独来当此夕，清樽相伴省他年。
紫云新苑移花处，不取霜栽近御筵。

漫成五章

沈、宋裁辞矜变律，王、杨落笔得良朋。当时自谓宗师
妙，今日惟观对属能。

李、杜操持事略齐，三才万象共端倪。集仙殿与金銮
殿，可是苍蝇惑曙鸡？

生儿古有孙征虏，嫁女今无王右军。借问琴书终一世，
何如旗盖仰三分。

代北偏师衔使节，关东裨将建行台。不妨常日饶轻薄，
且喜临戎用草莱。

郭令素心非黠武，韩公本意在和戎。两都耆旧偏垂泪，
临老中原见朔风。

赠庾十二朱版

自注：时庾在翰林朱书版也。

固漆投胶不可开，赠君珍重抵琼瑰。君王晓坐金銮殿，
只待相如草诏来。



无 题

紫府仙人号宝灯，云浆未饮结成冰。如何雪月交光夜，
更在瑶台十二层？

昨 日

昨日紫姑神去也，今朝青鸟使来赊。未容言语还分散，
少得团圆足怨嗟。二八月轮蟾影破，十三弦柱雁行斜。平明
钟后更何事，笑倚墙边梅树花。

子直晋昌李花

吴馆何时熨，秦台几夜熏？绡轻谁解卷，香异自先闻。
月里谁无姊，云中亦有君。樽前见飘荡，愁极客襟分。

李 花

李径独来数，愁情相与悬。自明无月夜，强笑欲风天。
减粉与园箨，分香沾渚莲。徐妃久已嫁，犹自玉为钿。



访人不遇留别馆

卿卿不惜琐窗春，去作长楸走马身。闲倚绣帘吹柳絮，
日高深院断无人。

— 片

一片非烟隔九枝，蓬峦仙仗俨云旗。天泉水暖龙吟细，
露晞春多凤舞迟。榆荚散来星斗转，桂花寻去月轮移。人间
桑海朝朝变，莫遣佳期更后期。

寄怀韦蟾

谢家离别正凄凉，少傅临岐赌佩囊。却忆短亭回首处，
夜来烟雨满池塘。

白云夫旧居

平生误识白云夫，再到仙檐忆酒垆。墙柳万株人绝迹，
夕阳惟照欲栖乌。



骄儿诗

衮师我骄儿，美秀乃无匹。文葆未周晬，固已知六七。四岁知姓名，眼不视梨栗。交朋颇窥观，谓是丹穴物。前朝尚器貌，流品方第一。不然神仙姿，不尔燕鹤骨。安得此相谓？欲慰衰朽质。青春妍和月，朋戏浑甥侄。绕堂复穿林，沸若金鼎溢。门有长者来，造次请先出。客前问所须，含意不吐实。归来学客面，郑败乘爷笏。或谑张飞胡，或笑邓艾吃。豪鹰毛楔劣，猛马气佞僂。截得青□□，骑走恣唐突。忽复学参军，按声唤苍鹘。又复纱灯旁，稽首礼夜佛。仰鞭冒蛛网，俯首饮花蜜。欲争蛺蝶轻，未谢柳絮疾。阶前逢阿姊，六甲颇输失。凝走弄香奁，拔脱金屈戌。抱持多反倒，威怒不可律。曲躬牵窗网，□唾拭琴漆。有时看临书，挺立不动膝。古锦请裁衣，玉轴亦欲乞。请爷书春胜，春胜宜春日。芭蕉斜卷笺，辛夷低过笔。爷昔好读书，愚苦自著述。憔悴欲四十，无肉畏蚤虱。儿慎勿学爷，读书求甲乙。穰苴《司马法》，张良黄石术。便为帝王师，不假更纤悉。况今西与北，羌戎正狂悖。诛赦两未成，将养如痼疾。儿当速成大，探雏入虎窟。当为万户侯，勿守一经帙。

对雪二首 自注：时欲之东。

寒气先侵玉女扉，清光旋透省郎闱。梅花大庾岭头发，柳絮章台街里飞。欲舞定随曹植马，有情应湿谢庄衣。龙山万里无多远，留待行人二月归。



旋扑珠帘过粉墙，轻于柳絮重于霜。已随江令夸琼树，
又入卢家妒玉堂。侵夜可能争桂魄，忍寒应欲试梅妆。关河
冻合东西路，肠断斑骝送陆郎。

东下三旬苦于风土马上戏作

路绕函关东复东，身骑征马逐惊蓬。天池辽阔谁相待，
日日虚乘九万风。

题汉祖庙

乘运应须宅八荒，男儿安在恋池隍。君王自起新丰后，
项羽何曾在故乡。

隋宫守岁

消息东郊木帝回，宫中行乐有新梅。沉香甲煎为庭燎，
玉液琼苏作寿杯。遥望露盘疑是月，远闻鼙鼓欲惊雷。昭阳
第一倾城客，不踏金莲不肯来。

读任彦昇碑

任昉当年有美名，可怜才调最纵横。梁台初建应惆怅，
不得萧公作骑兵。



偶成转韵七十二句赠四同舍

沛国东风吹大泽，蒲青柳碧春一色。我来不见隆准人，
沥酒空馀庙中客。征东同舍鸳与鸾，酒酣劝我悬征鞍。蓝山
宝肆不可入，玉中仍是青琅玕。武威将军使中侠，少年箭道
惊杨叶。战功高后数文章，怜我秋斋梦蝴蝶。诘旦天门传奏
章，高车大马来煌煌。路逢邹、枚不暇揖，腊月大雪过大梁。
忆昔公为会昌宰，我时入谒虚怀待。众中赏我赋高唐，
回看屈、宋由年辈。公事武皇为铁冠，历厅请我相所难。我
时憔悴在书阁，卧枕芸香春夜阑。明年赴辟下昭、桂，东郊
恸哭辞兄弟。韩公堆上跋马时，回望秦川树如荠。依稀南指
阳台云，鲤鱼食钩猿失群。湘妃庙下已春尽，虞帝城前初日
曛。谢游桥上澄江馆，下望山城如一弹。鹧鸪声苦晓惊眠，
朱槿花娇晚相伴。顷之失职辞南风，破帆坏桨荆江中。斩蛟
破壁不无意，平生自许非匆匆。归来寂寞灵台下，著破蓝衫
出无马。天官补吏府中趋，玉骨瘦来无一把。手封狴牢屯制
囚，直厅印锁黄昏愁。平明赤帖使修表，上贺嫖姚收贼州。
旧山万仞青霞外，望见扶桑出东海。爱君忧国去未能，白道
青松了然在。此时闻有燕昭台，挺身东望心眼开。且吟王粲
《从军乐》，不赋渊明《归去来》。彭门十万皆雄勇，首戴公
恩若山重。廷评日下握灵蛇，书记眠时吞彩凤。之子夫君郑
与裴，何甥谢舅当世才。青袍白简风流极，碧沼红莲倾倒
开。我生粗疏不足数，《梁父》哀吟《鸛鹄舞》。横行阔视倚
公怜，狂来笔力如牛弩。借酒祝公千万年，吾徒礼分常周旋。
收旗卧鼓相天子，相门出相光青史。



戏题枢言草阁三十二韵

君家在河北，我家在山西。百岁本无业，阴阴仙李枝。
尚书文与武，战罢幕府开。君从渭南至，我自仙游来。平昔
苦南北，动成云雨乖。逮今两携手，对若床下鞋。夜归碣石
馆，朝上黄金台。我有苦寒调，君抱《阳春》才。年颜各少
壮，发绿齿尚齐。我虽不能饮，君时醉如泥。政静筹画简，
退食多相携。扫掠走马路，整顿射雉翳。春风二三月，柳密
莺正啼。清河在门外，上与浮云齐。欹冠调玉琴，弹作《松
风》哀。又弹《明君怨》，一去怨不回。感激坐者泣，起视
雁行低。翻忧龙山雪，却杂胡沙飞。仲容铜琵琶，项直声凄
凄。上贴金捍拨，画为承露鸡。君时卧柅触，劝客白玉杯。
苦云年光疾，不饮将安归？我赏此言是，因循未能谐。君言
中圣人，坐卧莫我违。榆荚乱不整，杨花飞相随。上有白日
照，下有东风吹。青楼有美人，颜色如玫瑰。歌声入青云，
所痛无良媒。少年苦不久，顾慕良难哉！徒令真珠胝，罅入
珊瑚腮。君今且少安，听我苦吟诗。古诗何人作，老大犹伤
悲。

越燕二首

上国社方见，此乡秋不归。为矜皇后舞，犹著羽人衣。
拂水斜纹乱，衔花片影微。卢家文杏好，试近莫愁飞。

将泥红蓼岸，得草绿杨村。命侣添新意，安巢复旧痕。
去应逢阿母，原注：乐府诗：东飞伯劳西飞燕，黄姑阿母长相见。来莫害王



孙。记取丹山凤，今为百鸟尊。

蝉

本以高难饱，徒劳恨费声。五更疏欲断，一树碧无情。
薄宦梗犹泛，故园芜已平。烦君最相警，我亦举家清。

辛未七夕

恐是仙家好别离，故教迢递作佳期。由来碧落银河畔，
可要金风玉露时。清漏渐移相望久，微云未接过来迟。岂能
无意酬乌鹊，惟与蜘蛛乞巧丝。

迎寄韩鲁州_瞻同年

积雨晚骚骚，相思正郁陶。不知人万里，时有燕双高。
寇盗缠三蜀，自注：时兴元贼起，三川兵出。莓苔滑百牢。圣朝推卫、
霍，归日动仙曹。

咏怀寄秘阁旧僚二十六韵

年鬓日堪悲，衡茅益自嗤。攻文枯若木，处世钝如槌。
敢忘垂堂戒，宁将暗室欺？悬头曾苦学，折臂反成医。仆御
嫌夫懦，孩童笑叔痴。小男方嗜栗，幼女漫忧葵。遇炙谁先



啖，逢齏即更吹。官衔同画饼，面貌乏凝脂。典籍将蠹测，文章若管窥。图形翻类狗，入梦肯非黑。自晒成书麓，终当咒酒后。懒沾襟上血，羞镊镜中丝。橐籥言方喻，樗蒲齿詈知。事神徒惕虑，佞佛愧虚辞。曲艺垂麟角，浮名状虎皮。乘轩宁见宠，巢幕更逢危。礼俗拘嵇喜，侯王忻戴逵。途穷方结舌，静胜但搘颐。粝食空弹剑，亨衢詈置锥？柏台成口号，芸阁暂肩随。悔逐迁莺伴，谁观择虱时？瓮间眠太率，床下隐何卑。奋迹登弘阁，摧心对董帷。校雠如有暇，松竹一相思。

房中曲

蔷薇泣幽素，翠带花钱小。娇郎痴若云，抱日西帘晓。枕是龙宫石，割得秋波色。玉簫失柔肤，但见蒙罗碧。忆得前年春，未语含悲辛。归来已不见，锦瑟长于人。今日涧底松，明日山头蘂。愁到天地翻，相看不相识。

宿晋昌亭闻惊禽

羁绪繇繇夜景侵，高窗不掩见惊禽。飞来曲渚烟方合，过尽南塘树更深。胡马嘶和榆塞笛，楚猿吟杂橘村砧。失群挂木知何限，远隔天涯共此心。



壬申七夕

已驾七香车，心心待晓霞。风轻惟响珮，月薄不嫣花。
桂嫩传香远，榆高送影斜。成都过卜肆，曾妒识灵槎。

柳

曾逐东风拂舞筵，乐游春苑断肠天。如何肯到清秋日，
已带斜阳又带蝉。

王十二兄与畏之员外相访见招小饮时 予以悼亡日近不去因寄

谢傅门庭旧未行，今朝歌管属檀郎。更无人处帘垂地，
欲拂尘时簟竟床。嵇氏幼男犹可悯，左家娇女岂能忘。
愁霖腹疾俱难遣，万里西风夜正长。

壬申闰秋题赠乌鹄

绕树无依月正高，邺城新泪溅云袍。几年始得逢秋闰，
两度填河莫告劳。



夜 冷

树绕池宽月影多，村砧坞笛隔风萝。西亭翠被馀香薄，
一夜将愁向败荷。

西 亭

此夜西亭月正圆，疏帘相伴宿风烟。梧桐莫更翻清露，
孤鹤从来不得眠。

无题二首

凤尾香罗薄几重？碧文圆顶夜深缝。扇裁月魄羞难掩，
车走雷声语未通。曾是寂寥金烬暗，断无消息石榴红。斑骓
只系垂杨岸，何处西南待好风。

重帏深下莫愁堂，卧后清宵细细长。神女生涯元是梦，
小姑居处本无郎。原注：古诗有“小姑无郎”之句。风波不信菱枝弱，
月露谁教桂叶香？直道相思了无益，未妨惆怅是清狂。

有 感

非关宋玉有微辞，却是襄王梦觉迟。一自《高唐赋》成
后，楚天云雨尽堪疑。



晋昌晚归马上赠

西北朝天路，登临思上才。城闲烟草遍，村暗雨云回。
人岂无端别，猿应有意哀。征南予更远，吟断望乡台。

赴职梓潼留别畏之员外同年

佳兆联翩遇凤凰，雕文羽帐紫金床。桂花香处同高第，
柿叶翻时独悼亡。乌鹊失栖常不定，鸳鸯何事自相将？京华
庸蜀三千里，送到咸阳见夕阳。

饯席重送从叔余之梓州

莫叹万重山，君还我未还。武关犹怅望，何况百牢关。

悼伤后赴东蜀辟至散关遇雪

剑外从军远，无家与寄衣。散关三尺雪，回梦旧鸳机。

筹 笔 驿

鱼鸟犹疑畏简书，风云长为护储胥。徒令上将挥神笔，



终见降王走传车。管、乐有才真不忝，关、张无命欲何如？
他年锦里经祠庙，《梁父吟》成恨有馀。

望喜驿别嘉陵江水二绝 自注：此情别寄。

嘉陵江水此东流，望喜楼中忆阆州。若到阆州还赴海，
阆州应更有高楼。

千里嘉陵江水色，含烟带月碧于蓝。今朝相送东流后，
由自驱车更向南。

张恶子庙

下马捧椒浆，迎神白玉堂。如何铁如意，独自与姚苻？

五言述德抒情诗一首四十韵献上杜七兄仆射相公

帝作黄金阙，仙开白玉京。有人扶太极，惟岳降元精。
耿、贾官勋大，荀、陈地望清。旂常悬祖德，甲令著嘉声。
经出宣尼壁，书留晏子楹。武乡传阵法，践土主文盟。自昔
流王泽，由来仗国桢。九河方合沓，一柱忽峥嵘。得主劳三
顾，惊人肯再鸣。碧虚天共转，黄道日同行。后饮曹参酒，
先和傅说羹。即时贤路辟，此夜泰阶平。愿保无疆福，将图
不朽名。率身期济世，叩额虑兴兵。感念殽尸露，咨嗟赵卒坑。
傥令安隐忍，何以赞贞明。恶草虽当路，寒松实挺生。
人言真可畏，公意本无争。故事留台阁，前驱且旆旌。芙蓉



王俭府，杨柳亚夫营。清啸频疏俗，高谈屡析醒。过庭多令子，乞墅有名甥。南诏应闻命，西山莫敢惊。寄辞收的博，端坐扫欃枪。雅宴初无倦，长歌底有情？槛危春水暖，楼迥雪峰晴。移席牵绡蔓，回桡扑绛英。谁知杜武库，只见谢宣城。有客趋高义，于今滞下卿。登门惭后至，置驿恐虚迎。自是依刘表，安能比老彭。雕龙心已切，画虎意何成？岂省曾黔突，徒劳不倚衡。乘时乖巧宦，占象合艰贞。废弃淹中学，迟回谷口耕。悼伤潘岳重，树立马迁轻。陇鸟悲丹觜，湘兰怨紫茎。归期过旧岁，旅梦绕残更。弱植叨华族，衰门倚外兄。欲陈劳者曲，未唱泪先横。

今月二日不自量度辄以诗一首四十韵干渎
 尊严伏蒙仁恩俯赐披览奖逾其实情溢
 于辞顾惟疏芜曷用酬戴辄复五言四十
 韵诗一章献上亦诗人咏叹不足之义也

家擅无双誉，朝居第一功。四时当首夏，八节应条风。涤濯临清济，巉岩倚碧嵩。鲍壶冰皎洁，王珮玉丁东。原注：挚虞《决疑要注》云：汉末丧乱，绝无玉佩。魏侍中王粲识旧佩，始复作之。今之玉佩，受法于粲也，故云。处剧张京兆，通经戴侍中。将星临迥夜，卿月丽层穹。下令销秦盗，高谈破宋聋。含霜太山竹，拂雾峯阳桐。乐道乾知退，当官蹇匪躬。服箱青海马，入兆渭川熊。固是符真宰，徒劳让化工。凤池春潋潋，鸡树晓曛曛。愿守三章约，尝期九译通。薰琴调大舜，宝瑟和神农。慷慨资元老，周旋值狡童。仲尼羞问陈，魏绛喜和戎。款款将除鏹，孜孜欲达聪。所求因渭浊，安肯与雷同。物议将调鼎，



君恩忽赐弓。开吴相上下，全蜀占西东。锐卒鱼悬饵，豪胥鸟在笼。疲民呼杜母，邻国仰羊公。置驿推东道，安禅合北宗。嘉宾增重价，上士悟真空。扇举遮王导，樽开见孔融。烟飞愁舞罢，尘起惜歌终。岸柳兼池绿，园花映烛红。未曾周腴醉，转觉季心恭。系滞喧人望，便蕃属圣衷。天书何日降，庭燎几时烘？早岁乖投刺，今晨幸发蒙。远途哀跛鳖，薄艺奖雕虫。故事曾尊隗，前修有荐雄。终须烦刻画，聊拟更磨砢。蛮岭晴留雪，巴江晚带枫。营巢怜越燕，裂帛待燕鸿。自苦诚先夔，长飘不后蓬。容华虽少健，思绪即悲翁。感激淮山馆，优游碣石宫。待公三入相，丕祚始无穷。

韩冬郎即席为诗相送一座尽惊他日余
方追吟连宵侍坐徘徊久之句有老成之风
因成二绝寄酬兼呈畏之员外

十岁裁诗走马成，冷灰残烛动离情。桐花万里丹山路，雏凤清于老凤声。

剑栈风樯各苦辛，别时冬雪到时春。为凭何逊休联句，瘦尽东阳姓沈人。自注：沈东阳约尝谓何逊曰：“吾每读卿诗，一日三复，终未能到。”余虽无东阳之才，而有东阳之瘦矣。

柳

为有桥边拂面香，何曾自敢占流光？后庭玉树承恩泽，不信年华有断肠。



三月十日流杯亭

身属中军少得归，木兰花尽失春期。偷随柳絮到城外，
行过水西闻子规。

西 溪

怅望西溪水，潺湲奈尔何？不惊春物少，只觉夕阳多。
色染妖韶柳，光含窈窕萝。人间从到海，天上莫为河。凤女
弹瑶瑟，龙孙撼玉珂。京华他夜梦，好好寄云波。

柳

柳映江潭底有情？望中频遣客心惊。巴雷隐隐千山外，
更作章台走马声。

细雨成咏献尚书河东公

洒砌听来响，卷帘看已迷。江间风暂定，云外日应西。
稍稍落蝶粉，斑斑融燕泥。艸萍初过沼，重柳更缘堤。必拟
和残漏，宁无晦暝鞮。半将花漠漠，全共草萋萋。猿别方长
啸，鸟惊始独栖。府公能八咏，聊且续新题。



属 疾

许靖犹羈宦，安仁复悼亡。兹辰聊属疾，何日免殊方。
秋蝶无端丽，寒花更不香。多情真命薄，容易即回肠。

杨本胜说于长安见小男阿衮

闻君来日下，见我最娇儿。渐大啼应数，长贫学恐迟。
寄人龙种瘦，失母凤雏痴。语罢休边角，青灯两鬓丝。

锦 瑟

锦瑟无端五十弦，一弦一柱思华年。庄生晓梦迷蝴蝶，
望帝春心托杜鹃。沧海月明珠有泪，蓝田日暖玉生烟。此情
可待成追忆，只是当时已惘然。

江上忆严五广休

征南幕下带长刀，梦笔深藏五色毫。逢著澄江不敢咏，
镇西留与谢功曹。



李夫人三首

一带不结心，两股方安髻。惭愧白茅人，月没教星替。
剩结茱萸枝，多擘秋莲的。独自看波光，彩囊盛不得。
蛮丝系条脱，妍眼和香屑。寿宫不惜铸南人，柔肠早被
秋眸割。清澄有馀幽素香，鰈鱼渴凤真珠房。不知瘦骨类冰
井，更许夜帘通晓霜。土花漠碧云茫茫，黄河欲尽天苍苍。

即 日

一岁林花即日休，江间亭下怅淹留。重吟细把真无奈，
已落犹开未放愁。山色正来衔小苑，春阴只欲傍高楼。金鞍
忽散银壶滴，更醉谁家白玉钩？

春 日

欲入卢家白玉堂，新春催破舞衣裳。蝶衔花蕊蜂衔粉，
共助青楼一日忙。

江亭散席循柳路吟归官舍

春咏敢轻裁，衔辞入半杯。已遭江映柳，更被雪藏梅。
寡和真徒尔，殷忧动即来。从诗得何报？惟看二毛催。



柳下暗记

无奈巴南柳，千条傍吹台。更将黄映白，拟作杏花媒。

夜出西溪

东府忧春尽，西溪许日曛。月澄新涨水，星见欲销云。
柳好休伤别，松高莫出群。军书虽倚马，犹未当能文。

寓 兴

薄宦仍多病，从知竟远游。谈谐叨客礼，休浣接冥搜。
树好频移榻，云奇不下楼。岂关无景物，自是有乡愁。

假 日

素琴弦断酒瓶空，倚坐欹眠日已中。谁向刘灵天幕内，
更当陶令北窗风。

题 僧 壁

舍生求道有前踪，乞脑剜身结愿重。大去便应欺粟颗，



小来兼可隐针锋。蚌胎未满思新桂，琥珀初成忆旧松。若信
贝多真实语，三生同听一楼钟。

七 夕

鸾扇斜分凤幄开，星桥横过鹊飞回。争将世上无期别，
换得年年一度来。

写 意

燕雁迢迢隔上林，高秋望断正长吟。人间路有潼江险，
天外山惟玉垒深。日向花间留返照，云从城上结层阴。三年
已制思乡泪，更入新年恐不禁。

寄太原卢司空三十韵

隋舰临淮甸，唐旗出井陘。断鳌搯四柱，卓马济三灵。
祖业隆盘古，孙谋复大庭。从来师杰俊，可以焕丹青。旧族
开东岳，雄图奋北溟。邪同獬廌触，乐伴凤凰听。酣战仍挥
日，降妖亦斗霆。将军功不伐，叔舅德惟馨。鸡塞谁生事，
狼烟不暂停。拟填沧海鸟，敢竞太阳萤。内草才传诏，前茅
已勒铭。那劳《出师表》，尽入《大荒经》。德水萦长带，阴
山缭画屏。只忧非紫肯，未觉有膻腥。保佐资冲漠，扶持在
杳冥。乃心防暗室，华发称明廷。按甲神初静，鸣鼙思欲
醒。羲之当妙选，自注：小弟羲叟早蒙眷以嘉姻。孝若近归宁。自注：三



十五丈明府高科来归膝下。月色来侵幌，诗成有转櫺。罗含黄菊宅，柳恹白纈汀。神物龟酬孔，仙才鹤姓丁。西山童子药，南极老人星。自顷徒窥管，于今愧挈瓶。何由叨末席，还得叩玄扃。庄叟虚悲雁，终童漫识鼃。幕中虽策画，剑外且伶俜。俟俟行忘止，鰥鰥卧不瞑。身应瘠于鲁，泪欲溢为滂。禹贡思金鼎，尧图忆土□。公乎来入相，皇欲驾云亭。

忆 梅

定定住天涯，依依向物华。寒梅最堪恨，长作去年花。

天 涯

春日在天涯，天涯日又斜。莺啼如有泪，为湿最高花。

二月二日

二月二日江上行，东风日暖闻吹笙。花须柳眼各无赖，紫蝶黄蜂俱有情。万里忆归元亮井，三年从事亚夫营。新滩莫悟游人意，更作风檐雨夜声。

西 溪

近郭西溪好，谁堪共酒壶？苦吟防柳恹，多泪怯杨朱。



野鹤随君子，寒松揖大夫。天涯长病意，岑寂胜欢娱。

题白石莲华寄楚公

白石莲花谁所共？六时长捧佛前灯。空庭苔藓饶霜露，
时梦西山老病僧。大海龙宫无限地，诸天雁塔几多层。谩夸
鸂子真罗汉，不会牛车是上乘。

病中闻河东公乐营置酒口占寄上

闻驻行春旆，中途赏物华。缘忧武昌柳，遂忆洛阳花。
嵇鹤元无对，荀龙不在夸。只将沧海月，长压赤城霞。兴欲
倾燕馆，欢于到习家。风长应侧帽，原注：独孤景公信，举止风流，尝
风吹帽倾，观者盈路。路隘岂容车。原注：《乐府》：相逢狭路间，路隘不容车。
楼迴波窥锦，窗虚日弄纱。锁门金了鸟，展幃玉鸦叉。舞妙
从兼楚，歌能莫杂巴。必投潘岳果，谁掺祢衡挝？刻烛当时
忝，传杯此夕赊。可怜漳浦卧，愁绪独如麻。

南潭上亭宴集以疾后至因而抒情

马卿聊应召，谢傅已登山。歌发百花外，乐调深竹间。
□舟萦远岸，鱼钥启重关。莺蝶如相引，烟萝不暇攀。佳人
启玉齿，上客颌朱颜。肯念沉疴士，俱期倒载还。



春深脱衣

睥睨江鸦集，堂皇海燕过。减衣怜蕙若，展帐动烟波。
日烈忧花甚，风长奈柳何。陈遵容易学，身世醉时多。

有怀在蒙飞卿

薄宦频移疾，当年久索居。哀同庾开府，瘦极沈尚书。
城绿新阴远，江清返照虚。所思惟翰墨，从古待双鱼。

闻著明凶问哭寄飞卿

昔叹逸销骨，今伤泪满膺。空馀双玉剑，无复一壶冰。
江势翻银汉，天文露玉绳。何因携庾信，同去哭徐陵。

梓州罢吟寄同舍

不拣花朝与雪朝，五年从事霍嫖姚。君缘接坐交珠履，
我为分行近翠翘。楚雨含情皆有托，漳滨多病竟无繆。长吟
远下燕台去，惟有衣香染未销。



饮席戏赠同舍

洞中屐响省分携，不是花迷客自迷。珠树重行怜翡翠，
玉楼双舞羨□鸡。兰回旧蕊缘屏绿，椒缀新香和壁泥。唱尽
《阳关》无限叠，半杯松叶冻颇黎。

饮席代官妓赠两从事

新人桥上著春衫，旧主江边侧帽檐。愿得化为红绶带，
许教双凤一时衔。

行至金牛驿寄兴元渤海尚书

楼上春云水底天，五云章色破巴笺。诸生个个王恭柳，
从事人人庾杲莲。六曲屏风江雨急，九枝灯檠夜珠圆。深惭
走马金牛路，骤和陈王《白玉篇》。

鄠杜马上念汉书

世上苍龙种，人间武帝孙。小来惟射猎，兴罢得乾坤。
渭水天开苑，咸阳地献原。英灵殊未已，丁、傅渐华轩。



留赠畏之三首

原注：时将赴职梓潼，遇韩朝回。

清时无事奏明光，不遣当关报早霜。中禁词臣寻引领，
左川归客自回肠。郎君下笔惊鹦鹉，侍女吹笙弄凤凰。空记
大罗天上事，众仙同日咏《霓裳》。待得郎来月已低，寒暄
不道醉如泥。五更又欲向何处，骑马出门乌夜啼。户外重阴
黯不开，含羞迎夜复临台。潇湘浪上有烟景，安得好风吹汝
来。

过招国李家南园二首

潘岳无妻客为愁，新人来坐旧妆楼。春风犹自疑联句，
雪絮相和飞不休。

长亭岁尽雪如波，此去秦关路几多？惟有梦中相近分，
卧来无睡欲如何！

正月十五夜闻京有灯恨不得观

月色灯光满帝都，香车宝辇隘通衢。身闲不睹中兴盛，
羞逐乡人赛紫姑。



正月崇让宅

密锁重关掩绿苔，廊深阁迥此徘徊。先知风起月含晕，尚自露寒花未开。蝙拂帘旌终展转，鼠翻窗网小惊猜。背灯独共馀香语，不觉犹歌《夜起来》。

赠田叟

荷纒衰翁似有情，相逢携手绕村行。烧畬晓映远山色，伐树暝传深谷声。鸥鸟忘机翻浹洽，交亲得路昧平生。抚躬道直诚感激，在野无贤心自惊。

寄在朝郑曹独孤李四同年

昔岁陪游旧迹多，风光今日两蹉跎。不因醉本《兰亭》在，兼忘当年旧永和。

水斋

多病欣依有道邦，南塘晏起想秋江。卷帘飞燕还拂水，开户暗虫犹打窗。更阅前题已披卷，仍斟昨夜未开缸。谁人为报故交道，莫惜鲤鱼时一双。



诗集卷三 不编年

寄罗劭兴

棠棣黄花发，忘忧碧叶齐。人闲微病酒，燕重远兼泥。
混沌何由凿，青冥未有梯。高阳旧徒侣，时复一相携。

崔处士

真人塞其内，夫子入于机。未肯投竿起，惟欢负米归。
雪中东郭履，堂上老莱衣。读遍先贤传，如君事者稀。

霜 月

初闻征雁已无蝉，百尺楼南水接天。青女素娥俱耐冷，
月中霜里斗婵娟。



商 於

商於朝雨霁，归路有秋光。背坞猿收果，投岩麝退香。
建瓴真得势，横戟岂能当？割地张仪诈，谋身绮季长。清渠
州外月，黄叶庙前霜。今日看云意，依依入帝乡。

清 河

舟小回仍数，楼危凭亦频。燕来从及社，蝶舞太侵晨。
绛雪除烦后，霜梅取味新。年华无一事，只是自伤春。

袜

常闻宓妃袜，渡水欲生尘。好借嫦娥著，清秋踏月轮。

同学彭道士参寥

莫羨仙家有上真，仙家暂谪亦千春。月中桂树高多少？
试问西河斫树人。



效长吉

长长汉殿眉，窄窄楚宫衣。镜好鸾空舞，帘疏燕误飞。
君王不可问，昨夜约黄归。

旧 顿

东人望幸久咨嗟，四海于今是一家。犹锁平时旧行殿，
尽无宫户有宫鸦。

齐 宫 词

永寿兵来夜不扃，金莲无复印中庭。梁台歌管三更罢，
犹自风摇九子铃。

寄永道士

共上云山独下迟，阳台白道细如丝。君今并倚三珠树，
不记人间落叶时。



一 片

一片琼英价动天，连城十二昔虚传。良工巧费真为累，楮叶成来不直钱。

少 年

外戚平羌第一功，生年二十有重封。直登宣室螭头上，横过甘泉豹尾中。别馆觉来云雨梦，后门归去蕙兰丛。灞陵夜猎随田窦，不识寒郊自转蓬。

玄微先生

仙翁无定数，时入一壶藏。夜夜桂露湿，村村桃水香。醉中抛浩劫，宿处起神光。药裹丹山凤，棋函白石郎。弄河移砥柱，吞日倚扶桑。龙竹裁轻策，蛟丝熨下裳。树栽嗤汉帝，桥板笑秦皇。径欲随关令，龙沙万里强。

公 子

一盏新罗酒，凌晨恐易销。归应冲鼓半，去不待笙调。歌好惟愁和，香浓岂惜飘。春场铺艾帐，下马雉媒娇。



闲 游

危亭题竹粉，曲沼嗅荷花。数日同携酒，平明不在家。
寻幽殊未极，得句总堪夸。强下西楼去，西楼倚暮霞。

赠歌妓二首

水精如意玉连环，下蔡城危莫破颜。红绽樱桃含白雪，
断肠声里唱《阳关》。白日相思不奈何，严城清夜断经过。
只知解道春来瘦，不道春来独自多。

秋 月

池上与桥边，难忘复可怜。帘开最明夜，簾卷已凉天。
流处水花急，吐时云叶鲜。姮娥无粉黛，只是逞婵娟。

乐 游 原

春梦乱不记，春原登已重。青门弄烟柳，紫阁舞云松。
拂砚轻冰散，开樽绿酎浓。无惊托诗遣，吟罢更无惊。



向 晚

当风横去幙，临水卷空帷。北土秋千罢，南朝袂褱归。
花情羞脉脉，柳意怅微微。莫叹佳期晚，佳期自古稀。

俳 谐

短顾何由遂？迟光且莫惊。莺能歌《子夜》，蝶解舞宫城。
柳讶眉伤浅，桃猜粉太轻。年华有情状，吾敢□生平。

药 转

郁金堂北画楼东，换骨神方上药通。露气暗连青桂苑，
风声偏猎紫兰丛。长筹未必输孙皓，香枣何劳问石崇。忆事
怀人兼得句，翠衾归卧绣帘中。

屏 风

六曲连环接翠帷，高楼半夜酒醒时。掩灯遮雾密如此，
雨落月明俱不知。



风

撩钗盘孔雀，恼带拂鸳鸯。罗荐谁教近？斋时锁洞房。

九成宫

十二层城阆苑西，平时避暑拂虹霓。云随夏后双龙尾，
风逐周王八马蹄。吴岳晓光连翠稼，甘泉晚景上丹梯。荔枝
卢橘沾恩幸，鸾鹤天书湿紫泥。

少将

族亚齐安陆，风高汉武威。烟波别墅醉，花月后门归。
青海闻传箭，天山报合围。一朝携剑起，上马即如飞。

为有

为有云屏无限娇，凤城寒尽怕春宵。无端嫁得金龟婿，
辜负香衾事早朝。



幽 人

丹灶三年火，苍崖万岁藤。樵归说逢虎，棋罢正留僧。
星斗同秦分，人烟接汉陵。东流清渭苦，不尽照衰兴。

子初全溪作

全溪不可到，况复尽馀醅。汉苑生春水，昆池换劫灰。
战蒲知雁唼，皱月觉鱼来。清兴恭闻命，言诗未敢回。

赠宗鲁筇竹杖

大夏资轻策，全溪问所思。静怜穿树远，滑想过苔迟。
鹤怨朝还望，僧闲暮有期。风流真底事，常欲傍清羸。

微 雨

初随林霭动，稍共夜凉分。窗迥侵灯冷，庭虚近水闻。

咏 云

捧月三更断，藏星七夕明。才闻飘迥路，旋见隔重城。



潭暮随龙起，河秋压雁声。只应惟宋玉，知是楚神名。

碧城三首

碧城十二曲阑干，犀辟尘埃玉辟寒。阆苑有书多附鹤，女床无树不栖鸾。星沉海底当窗见，雨过河源隔座看。若是晓珠明又定，一生长对水精盘。

对影闻声已可怜，玉池荷叶正田田。不逢萧史休回首，莫见洪崖又拍肩。紫凤放娇衔楚珮，赤鳞狂舞拨湘弦。鄂君怅望舟中夜，绣被焚香独自眠。

七夕来时先有期，洞房帘箔至今垂。玉轮顾兔初生魄，铁网珊瑚未有枝。检与神方教驻景，收将凤纸写相思。《武皇内传》分明在，莫道人间总不知。

蜂

小苑华池烂漫通，后门前槛思无穷。宓妃腰细才胜露，赵后身轻欲倚风。红壁寂寥崖蜜尽，碧檐迢递雾巢空。青陵粉蝶休离恨，长定相逢二月中。

明 日

天上参旗过，人间烛焰销。谁言整双履，便是隔三桥？知处黄金郁，曾来碧绮寮。凭栏明日意，池阔雨萧萧。



石 榴

榴枝婀娜榴实繁，榴膜轻明榴子鲜。可羨瑶池碧桃树，
碧桃红颊一千年。

拟沈下贤

千二百轻鸾，春衫瘦著宽。倚风行稍急，含雪语应寒。
带火遗金斗，兼珠碎玉盘。河阳看花过，曾不问潘安？

蝶

飞来绣户阴，穿过画楼深。重傅秦台粉，轻涂汉殿金。
相兼惟柳絮，所得是花心。可要凌孤客，邀为《子夜》吟？

牡 丹

压径复缘沟，当窗又映楼。终销一国破，不啻万金求。
鸾凤戏三岛，神仙居十洲。应怜萱草淡，却得号忘忧。



春 风

春风虽自好，春物太昌昌。若教春有意，惟遣一枝芳。
我意殊春意，先春已断肠。

人 欲

人欲天从竟不疑，莫言圆盖便无私。秦中已久乌头白，
却是君王未备知。

吴 宫

龙槛沉沉水殿清，禁门深掩断人声。吴王宴罢满宫醉，
日暮水漂花出城。

可 叹

幸会东城宴未回，年华忧共水相催。梁家宅里秦宫入，
赵后楼中赤凤来。冰簟且眠金缕枕，琼筵不醉玉交杯。
宓妃愁坐芝田馆，用尽陈王八斗才。



偶题二首

小亭闲眠微醉消，山榴海柏枝相交。水文簟上琥珀枕，
傍有堕钗双翠翘。

清月依微香露轻，曲房小院多逢迎。春丛定是双栖夜，
饮罢莫持红烛行。

荷 花

都无色可并，不奈此香何。瑶席乘凉设，金羈落晚过。
回衾灯照绮，渡袜水沾罗。预想前秋别，离居梦《棹歌》。

送臻师二首

昔去灵山非拂席，今来沧海欲求珠。楞伽顶上清凉地，
善眼仙人忆我无？

苦海迷途去未因，东方过此几微尘。何当百亿莲华上，
一一莲华见佛身。

街西池馆

白阁他年别，朱门此夜过。疏帘留月魄，珍簟接烟波。
太守三刀梦，将军一箭歌。国租容客旅，香熟玉山禾。



华 清 宫

华清恩幸古无伦，犹恐蛾眉不胜人。未免被他褒女笑，
只教天子暂蒙尘。

百果嘲樱桃

珠实虽先熟，琼芽纵早开。流莺犹故在，争得讳含来？

樱 桃 答

众果莫相诮，天生名品高。何因古乐府，惟有《郑樱
桃》？

晓 坐

后阁罢朝眠，前墀思黯然。梅应未假雪，柳自不胜烟。
泪续浅深绠，肠危高下弦。红颜无定所，得失在当年。

日 射

日射纱窗风撼扉，香罗拭手春事违。回廊四合掩寂寞，



碧鹦鹉对红蔷薇。

华 清 宫

朝元阁迥《羽衣》新，首按昭阳第一人。当日不来高处舞，可能天下有胡尘？

独居有怀

麝重愁风逼，罗疏畏月侵。怨魂迷恐断，娇喘细疑沉。数急芙蓉带，频抽翡翠簪。柔情终不远，遥妒已先深。浦冷鸳鸯去，园空蛱蝶寻。蜡花长递泪，筝柱镇移心。觅使嵩云暮，回头灞岸阴。只闻凉叶院，露井近寒砧。

代董秀才却扇

莫将画扇出帷来，遮掩春山滞上才。若道团圆是明月，此中须放桂花开。

骊山有感

骊岫飞泉泛暖香，九龙呵护玉莲房。平明每幸长生殿，不从金舆惟寿王。



思 贤 顿

内殿张弦管，中原绝鼓鼙。舞成青海马，斗杀汝南鸡。
不见华胥梦，空闻下蔡迷。宸襟他日泪，薄暮望贤西。

十一月中旬至扶风界见梅花

匝路亭亭艳，非时澹澹香。素娥惟与月，青女不饶霜。
赠远虚盈手，伤离适断肠。为谁成早秀，不待作年芳？

龙 池

龙池赐酒敞云屏，羯鼓声高众乐停。夜半宴归宫漏永，
薛王沉醉寿王醒。

蝶

初来小苑中，稍与琐闥通。远恐芳尘断，轻忧艳雪融。
只知防浩露，不觉逆尖风。回首双飞燕，乘时入绮栊。



无题二首

长眉画了绣帘开，碧玉行收白玉台。为问翠钗钗上凤，
不知香颈为谁回？

寿阳公主嫁时妆，八字宫眉捧额黄。见我佯羞频照影，
不知身属冶游郎。

别薛岩宾

曙爽行将拂，晨清坐欲凌。别离真不那，风物正相仍。
漫水任谁照，衰花浅自矜。还将两袖泪，同向一窗灯。桂树
乖真隐，芸香是小愆。清规无以况，且用玉壶冰。

晓 起

拟杯当晓起，呵镜可微寒。隔箔山樱熟，褰帷桂烛残。
书长为报晚，梦好更寻难。影响输双蝶，偏过旧畹兰。

闺 情

红露花房白蜜脾，黄蜂紫蝶两参差。春窗一觉风流梦，
却是同衾不得知。



月 夕

草下阴虫叶上霜，朱栏迢递压湖光。兔寒蟾冷桂花白，
此夜姮娥应断肠。

谢先辈防记念拙诗甚多异日偶有此寄

晓用云添句，寒将雪命篇。良辰多自感，作者岂皆然。
熟寝初同鹤，含嘶欲并蝉。题时长不展，得处定应偏。南浦
无穷树，西楼不住烟。改成人寂寂，寄与路绵绵。星势寒垂
地，河声晓上天。夫君自有恨，聊借此中传。

马嵬二首

冀马燕犀动地来，自埋红粉自成灰。君王若道能倾国，
玉辇何由过马嵬？

海外徒闻更九州，原注：邹衍云：九州之外，复有九州。他生未卜
此生休。空闻虎旅鸣宵柝，无复鸡人报晓筹。此日六军同驻
马，当时七夕笑牵牛。如何四纪为天子，不及卢家有莫愁。

追代卢家人嘲堂内

道却横波字，人前莫谩羞。只应同楚水，长短入淮流。



代 应

本来银汉是红墙，隔得卢家白玉堂。谁与王昌报消息，
尽知三十六鸳鸯。

妓 席

乐府闻桃叶，人前道得无？劝君书小字，慎莫唤官奴。

烧 香 曲

钿云蟠蟠牙比鱼，孔雀翘尾蛟龙须。漳宫旧样博山炉，
楚娇捧笑开芙蕖。八蚕茧绵小分炷，兽焰微红隔云母。白天
月泽寒未冰，金虎含秋向东吐。玉珮呵光铜照昏，帘波日暮
冲斜门。西来欲上茂陵树，柏梁已失栽桃魂。露庭月井大红
气，轻衫薄袖当君意。蜀殿琼人伴夜深，金銮不问残灯事。
何当巧吹君怀度，襟灰为土填清露。

判 春

一桃复一李，井上占年芳。笑处如临镜，窥时不隐墙。
敢言西子短，谁觉宓妃长？珠玉终相类，同名作夜光。



无 题

近知名阿侯，住处小江流。腰细不胜舞，眉长惟是愁。
黄金堪作屋，何不作重楼？

赠白道者

十二楼前再拜辞，灵风正满碧桃枝。壶中若是有天地，
又向壶中伤别离。

咸 阳

咸阳宫阙郁嵯峨，六国楼台艳绮罗。自是当时天帝醉，
不关秦地有山河。

离亭赋得折杨柳二首

暂凭樽酒送无繆，莫损愁眉与细腰。人世死前惟有别，
春风争拟惜长条。

含烟惹雾每依依，万绪千条拂落晖。为报行人休尽折，
半留相送半迎归。



十字水期韦潘侍御同年不至时韦寓
居水次故郭邠宁宅

伊水溅溅相背流，朱栏画阁几人游？漆灯夜照真无数，
蜡炬晨炊竟未休。顾我有怀同大梦，期君不至更沉忧。西园
碧树今谁主？与近高窗卧听秋。

青 陵 台

青陵台畔日光斜，万古贞魂倚暮霞。莫讶韩凭为蛺蝶，
等闲飞上别枝花。

酬崔八早梅有赠兼示之作

知访寒梅过野塘，久留金勒为回肠。谢郎衣袖初翻雪，
荀令熏炉更换香。何处拂胸资蝶粉，几时涂额藉蜂黄？维摩
一室虽多病，亦要天花作道场。

拟 意

怅望逢张女，迟回送阿侯。空看小垂手，忍问大刀头。
妙选茱萸帐，平居翡翠楼。云屏不取暖，月扇未障羞。上掌
真何有，倾城岂自由。楚妃交荐枕，汉后共藏阍。夫向羊车



觅，男从凤穴求。书成《袂襖帖》，唱杀《畔牢愁》。夜杵鸣江练，春刀解石榴。象床穿幃网，犀帖钉窗油。仁寿遗明镜，陈仓拂采球。真防舞如意，佯盖卧箜篌。濯锦桃花水，溅裙杜若洲。鱼儿悬宝剑，燕子合金瓯。银箭催摇落，华筵惨去留。几时销薄怒，从此抱离忧。帆落啼猿峡，樽开画□舟。急弦肠对断，剪蜡泪争流。璧马谁能带？金虫不复收。银河扑醉眼，珠串咽歌喉。去梦随川后，来风贮石邮。兰丛衔露重，榆荚点星稠。解珮无遗迹，凌波有旧游。曾来《十九首》，私讖咏牵牛。

代魏宫私赠 自注：黄初三年，已隔存歿，
追代其意，何必同时，亦广子夜鬼歌之流变。

来时西馆阻佳期，去后漳河隔梦思。知有宓妃无限意，春松秋菊可同时。

代元城吴令暗为答

背阙归藩路欲分，水边风日半西曛。荆王枕上元无梦，莫枉阳台一片云。

东阿王

国事分明属灌均，西陵魂断夜来人。君王不得为天子，半为当时赋《洛神》。



涉洛川

通谷阳林不见人，我来遗恨古时春。宓妃漫结无穷恨，
不为君王杀灌均。原注：灌均，陈王之典签，谮诸王于文帝者。

归 来

旧隐无何别，归来始更悲。难寻白道士，不见惠禅师。
草径虫鸣急，沙渠水下迟。却将波浪眼，清晓对红梨。

燕台诗四首

风光冉冉东西陌，几日娇魂寻不得。蜜房羽客类芳心，
冶叶倡条遍相识。暖蔼辉迟桃树西，高鬟立共桃鬟齐。雄龙
雌凤杳何许？絮乱丝繁天亦迷。醉起微阳若初曙，映帘梦断
闻残语。愁将铁网罟珊瑚，海阔天宽迷处所。衣带无情有宽
窄，春烟自碧秋霜白。研丹擘石天不知，愿得天牢锁冤魄。
夹罗委篋单绡起，香肌冷衬琤琤珮。今日东风自不胜，化作
幽光入西海。

右春

前阁雨帘愁不卷，后堂芳树阴阴见。石城景物类黄泉，
夜半行郎空柘弹。绫扇唤风闾阖天，轻帷翠幕波回旋。蜀魂
寂寞有伴未？几夜瘴花开木棉。桂宫流影光难取，嫣熏兰破



轻轻语。直教银汉堕怀中，未遣星妃镇来去。浊水清波何异源。济河水清黄河浑。安得薄雾起绡裙，手接云砧呼太君？

右夏

月浪衡天天宇湿，凉蟾落尽疏星入。云屏不动掩孤□，西楼一夜风筝急。欲织相思花寄远，终日相思却相怨。但闻北斗声回环，不见长河水清浅。金鱼锁断红桂春，古时尘满鸳鸯茵。堪悲小苑作长道，玉树未怜亡国人。瑶琴愔愔藏楚弄，越罗冷薄金泥重。帘钩鹦鹉夜惊霜，唤起南云绕云梦。双瑯丁丁联尺素，内记湘川相识处。歌唇一世衔雨看，可惜馨香手中故！

右秋

天东日出天西下，雌凤孤飞女龙寡。青溪、白石不相望，堂中远甚苍梧野。冻壁霜华交隐起，芳根中断香心死。浪乘画舸忆蟾蜍，月娥未必婵娟子。楚管蛮弦愁一概，空城罢舞腰支在。当时欢向掌中销，桃叶、桃根双姊妹。破鬟矮堕凌朝寒，白玉燕钗黄金蝉。风车雨马不持去，蜡烛啼红怨天曙。

右冬

柳枝五首_{有序}

柳枝，洛中里孃也。父饶好贾，风波死湖上。其母不念他儿子，独念柳枝。生十七年，涂妆绾髻，未尝竟，已复起去。吹叶嚼蕊，调丝□管，作



天海风涛之曲，幽忆怨断之音。居其旁，与其家接故往来者，闻十年尚相与，疑其醉眠梦物断不媿。余从昆让山，比柳枝居为近。他日春曾阴，让山下马柳枝南柳下，咏余《燕台诗》，柳枝惊问：“谁人有此？谁人为是？”让山谓曰：“此吾里中少年叔耳。”柳枝手断长带，结让山为赠叔乞诗。明日，余比马出其巷，柳枝丫鬟毕妆，抱立扇下，风褰一袖，指曰：“若叔是？后三日，邻当去溅裙水上，以博山香待，与郎俱过。”余诺之。会所友有偕当诣京师者，戏盗余卧装以先，不果留。雪中让山至，且曰：“东诸侯取去矣。”明年，让山复东，相背于戏上，因寓诗以墨其故处云。

花房与蜜脾，蜂雄蛺蝶雌。同时不同类，那复更相思？
本是丁香树，春条结始生。玉作弹棋局，中心亦不平。
嘉瓜引蔓长，碧玉冰寒浆。东陵虽五色，不忍值牙香。
柳枝井上蟠，莲叶浦中干。锦鳞与绣羽，水陆有伤残。
画屏绣步障，物物自成双。如何湖上望，只是见鸳鸯？

石 城

石城夸窈窕，花县更风流。簟冰将飘枕，帘烘不隐钩。
玉童收夜钥，金狄守更筹。共笑鸳鸯绮，鸳鸯两白头。

代 赠

杨柳路尽处，芙蓉湖上头。虽同锦步障，独映钿箜篌。



鸳鸯可羨头俱白，飞去飞来烟雨秋。

莫 愁

雪中梅下与谁期？梅雪相兼一万枝。若是石城无艇子，
莫愁还自有愁时。

赠 柳

章台从掩映，郢路更参差。见说风流极，来当婀娜时。
桥回行欲断，堤远意相随。忍放花如雪，青楼扑酒旗。

谗 柳

已带黄金缕，仍飞白玉花。长时须拂马，密处少藏鸦。
眉细从他敛，腰轻莫自斜。玳梁谁道好？偏拟映卢家。

代赠二首

楼上黄昏欲望休，玉梯横绝月中钩。芭蕉不展丁香结，
同向春风各自愁。

东南日出照高楼，楼上离人唱《石州》。总把春山扫眉黛，
不知供得几多愁。



楚 吟

山上离宫宫上楼，楼前宫畔暮江流。楚天长短黄昏雨，
宋玉无愁亦自愁。

柳

动春何限叶，撼晓几多枝。解有相思否？应无不舞时。
絮飞藏皓蝶，带弱露黄鹂。倾国宜通体，谁来独赏眉？

韩翃舍人即事

萱草含丹粉，荷花抱绿房。鸟应悲蜀帝，蝉是怨齐王。
通内藏珠府，应官解玉坊。桥南荀令过，十里送衣香。

代越公房妓嘲徐公主

笑啼俱不敢，几欲是吞声。遽遣离琴怨，都由半镜明。
应防啼与笑，微露浅深情。



代贵公主

芳条得意红，飘落忽西东。分逐春风去，风回得故丛。
明朝金井露，始看忆春风。

代应二首

沟水分流西复东，九秋霜月五更风。离鸾别凤今何在？
十二玉楼空更空。

昨夜双钩败，今朝百草输。关西狂小吏，惟喝绕床卢。

楚 宫

复壁交青琐，重帘挂紫绳。如何一柱观，不碍九枝灯？
扇薄常规月，钗斜只镂冰。歌成犹未唱，秦火入夷陵。

送崔珏往西川

年少因何有旅愁，欲为东下更西游。一条雪浪吼巫峡，
千里火云烧益州。卜肆至今多寂寞，酒垆从古擅风流。浣花
笺纸桃花色，好好题诗咏玉钩。



梦 泽

梦泽悲风动白茅，楚王葬尽满城娇。未知歌舞能多少，
虚减宫厨为细腰。

即 日

地宽楼已迥，人更迥于楼。细意经春物，伤醒属暮愁。
望赊殊易断，恨久欲难收。大执真无利，多情岂自由？空园
兼树废，败港拥花流。书去青枫驿，鸿归杜若洲。单栖应分
定，辞疾索谁忧？更替林鸦恨，惊频去不休。

失 猿

祝融南去万重云，清啸无因更一闻。莫遣碧江通箭道，
不教肠断忆同群。

鸳 鸯

雌去雄飞万里天，云罗满眼泪潸然。不须长结风波愿，
锁向金笼始两全。



人日即事

文王喻复今朝是，子晋吹笙此日同。舜格有苗旬太远，周称流火月难穷。镂金作胜传荆俗，剪彩为人起晋风。独想道衡诗思苦，离家恨得二年中。

柳

江南江北雪初消，漠漠轻黄惹嫩条。灞岸已攀行客手，楚宫先骋舞姬腰。清明带雨临官道，晚日含风拂野桥。如线如丝正牵恨，王孙归路一何遥。

无 题

白道萦回入暮霞，斑骓嘶断七香车。春风自共何人笑，枉破阳城十万家。

春 雨

怅卧新春白袷衣，白门寥落意多违。红楼隔雨相望冷，珠箔飘灯独自归。远路应悲春晚晚，残宵犹得梦依稀。玉珰缄札何由达？万里云罗一雁飞。



丹 邱

青女丁宁结夜霜，羲和辛苦送朝阳。丹邱万里无消息，
几对梧桐忆凤凰。

到 秋

扇风淅沥篔流离，万里南云滞所思。守到清秋还寂寞，
叶丹苔碧闭门时。

夜 思

银箭耿寒漏，金真凝夜光。彩鸾空自舞，别燕不相将。
寄恨一尺素，含情双玉珰。会前犹月在，去后始宵长。往事
经春物，前期托报章。永令虚粲枕，长不掩兰房。觉动迎猜
影，疑来浪认香。鹤应闻露警，蜂亦为花忙。古有阳台梦，
今多下蔡倡。何为薄冰雪，消瘦滞非乡？

河内诗二首

鼙鼓沉沉虬水咽，秦丝不上蛮弦绝。嫦娥衣薄不禁寒，
蟾蜍夜艳秋河月。碧城冷落空蒙烟，帘轻幕重金钩栏。灵香
不下两皇子，孤星直上相风竿。八桂林边九芝草，短襟小髻



相逢道。入门暗数一千春，愿去闰年留月小。梳子交加香蓼繁，停辛伫苦留待君。

右一曲楼上

阊门日下吴歌远，陂路绿菱香满满。后溪暗起鲤鱼风，船旗闪断芙蓉干。倾身奉君畏身轻，双桡两桨樽酒清。莫因风雨罢团扇，此曲断肠惟此声。低楼小径城南道，犹自金鞍对芳草。

右一曲湖中

河阳诗

黄河摇溶天上来，玉楼影近中天台。龙头泻酒客寿杯，主人浅笑红玫瑰。梓泽东来七十里，长沟复堑埋云子。可惜秋眸一霁光，汉陵走马黄尘起。南浦老鱼腥古涎，真珠密字芙蓉篇。湘中寄到梦不到，衰容自去抛凉天。忆得蛟丝裁小卓，蛺蝶飞回木棉薄。绿绣笙囊不见人，一口红霞夜深嚼。幽兰泣露新香死，画图浅缥松溪水。楚丝微觉《竹枝》高，半曲新词写绵纸。巴西夜市红守宫，后房点臂斑斑红。堤南渴雁自飞久，芦花一夜吹西风。晓帘串断蜻蜓翼，罗屏但有空青色。玉湾不钓三千年，莲房暗被蛟龙惜。湿银注镜井口平，鸾钗映月寒铮铮。不知桂树在何处，仙人不下双金茎。百尺相风插重屋，侧近嫣红伴柔绿。百劳不识对月郎，湘竹千条为一束。



凉 思

客去波平槛，蝉休露满枝。永怀当此节，倚立自移时。
北斗兼春远，南陵寓使迟。天涯占梦数，疑误有新知。

江 东

惊鱼拨刺燕翩翩，独自江东上钓船。今日春光太漂荡，
谢家轻絮沈郎钱。

风 雨

凄凉《宝剑篇》，羁泊欲穷年。黄叶仍风雨，青楼自管
弦。新知遭薄俗，旧好隔良缘。心断新丰酒，销愁斗几千？

赠郑说处士

浪迹江湖白发新，浮云一片是吾身。寒归山观随棋局，
暖入汀洲逐钓轮。越桂留烹张翰鲙，蜀姜供煮陆机莼。相逢
一笑怜疏放，他日扁舟有故人。



齐梁晴云

缓逐烟波起，如妒柳绵飘。故临飞阁度，欲入迴陂销。
萦歌怜画扇，敞景弄柔条。更耐天南位，牛渚宿残宵。

效徐陵体赠更衣

密帐真珠络，温帟翡翠装。楚腰知便宠，宫眉正斗强。
结带悬栀子，绣领刺鸳鸯。轻寒衣省夜，金斗熨沉香。

又效江南曲

郎船安两桨，侬舸动双桡。扫黛开宫额，裁裙约楚腰。
乖期方积思，临醉欲□娇。莫以《采菱》唱，欲羨秦台箫。

南 朝

地险悠悠天险长，金陵王气应瑶光。休夸此地分天下，
只得徐妃半面妆。



南 朝

玄武湖中玉漏催，鸡鸣埭口绣襦回。谁言琼树朝朝见，
不及金莲步步来。敌国军营漂木□，前朝神庙锁烟煤。满宫
学士皆颜色，江令当年只费才。

隋 宫

乘兴南游不戒严，九重谁省谏书函？春风举国裁宫锦，
半作障泥半作帆。

隋 宫

紫泉宫殿锁烟霞，欲取芜城作帝家。玉玺不缘归日角，
锦帆应是到天涯。于今腐草无萤火，终古垂杨有暮鸦。地下
若逢陈后主，岂宜重问《后庭花》？

咏 史

北湖南埭水漫漫，一片降旗百尺竿。三百年间同晓梦，
钟山何处有龙盘？



听 鼓

城头叠鼓声，城下暮江清。欲问《渔阳》掺，时无祢正平。

过郑广文旧居

宋玉平生恨有馀，远循三楚吊三闾。可怜留著临江宅，异代应教庾信居。

宫 妓

珠箔轻明拂玉墀，披香新殿斗腰支。不须看尽鱼龙戏，终遣君王怒偃师。

宫 辞

君恩如水向东流，得宠忧移失宠愁。莫向樽前奏《花落》，凉风只在殿西头。



武夷山

只得流霞酒一杯，空中箫鼓当时回。武夷洞里生毛竹，
老尽曾孙更不来。

圣女祠

松篁台殿蕙香帙，龙护瑶窗凤掩扉。无质易迷三里雾，
不寒长著五铢衣。人间定有崔罗什，天上应无刘武威。寄问
钗头双白燕，每朝珠馆几时归？

板桥晓别

回望高城落晓河，长亭窗户压微波。水仙欲上鲤鱼去，
一夜芙蓉红泪多。

关门柳

永定河边一行柳，依依长发故年春。东来西去人情薄，
不为清阴减路尘。



寄裴衡

别地萧条极，如何更独来？秋应为红叶，雨不厌青苔。
沈约只能瘦，潘仁岂是才？离情堪底寄，惟有冷于灰。

银河吹笙

怅望银河吹玉笙，楼寒院冷接平明。重衾幽梦他年断，
别树羁雌昨夜惊。月榭故香因雨发，风帘残烛隔霜清。不须
浪作缙山意，湘瑟秦箫自有情。

闻歌

敛笑凝眸意欲歌，高云不动碧嵯峨。铜台罢望归何处，
玉辇忘还事几多？青冢路边南雁尽，细腰宫里北人过。此声
肠断非今日，香炷灯光奈尔何！

赠华阳宋真人兼寄清都刘先生

沦谪千年别帝宸，至今犹识蕊珠人。但惊茅、许多玄
分，不记刘、卢是世亲。玉检赐书迷凤篆，金华归驾冷龙
鳞。不因杖屨逢周史，徐甲何曾有此身？



楚 宫

十二峰前落照微，高唐宫暗坐迷归。朝云暮雨长相接，
犹自君王恨见稀。

水天闲话旧事

月姊曾逢下彩蟾，倾城消息隔重帘。已闻珮响知腰细，
更辨弦声觉指纤。暮雨自归山峭峭，秋河不动夜厌厌。王昌
且在墙东住，未必金堂得免嫌。

中 元 作

绛节飘纒空国来，中元朝拜上清回。羊权虽得金条脱，
温峤终虚玉镜台。曾省惊眠闻雨过，不知迷路为花开。有娥
未抵瀛洲远，青雀如何鸩鸟媒？

相 思

相思树上合欢枝，紫凤青鸾并羽仪。肠断秦台吹管客，
日西春尽到来迟。



日 日

日日春光斗日光，山城斜路杏花香。几时心绪浑无事，
得及游丝百尺长。

流 莺

流莺飘荡复参差，度陌临流不自持。巧啭岂能无本意，
良辰未必有佳期。风朝露夜阴晴里，万户千门开闭时。
曾苦伤春不忍听，凤城何处有花枝？

题李上砭壁

旧著《思玄赋》，新编杂拟诗。江庭犹近别，山舍得幽
期。嫩割周顛韭，肥烹鲍照葵。饱闻南烛酒，仍及韶醅时。

复 京

虏骑胡兵一战摧，万灵回首贺轩台。天教李令心如日，
可要昭陵石马来。



浑河中

九庙无尘八马回，奉天城垒长春苔。咸阳原上英雄骨，
半向君家养马来。

北齐二首

一笑相倾国便亡，何劳荆棘始堪伤。小怜玉体横陈夜，
已报周师入晋阳。

巧笑知堪敌万机，倾城最在著戎衣。晋阳已陷休回顾，
更请君王猎一围。

别智玄法师

云鬓无端怨别离，十年移易住山期。东西南北皆垂泪，
却是杨朱真本师。

赠孙绮新及第

长乐遥听上苑钟，彩衣称庆桂香浓。陆机始拟夸《文
赋》，不觉云间有土龙。



寄华岳孙逸人

灵岳几千仞，老松逾百寻。攀崖仍躡壁，嗽叶复眠阴。
海上呼三鸟，斋中戏五禽。惟应逢阮籍，长啸作鸾音。

赋得桃李无言

夭桃花正发，秣李蕊方繁。应候非争艳，成蹊不在言。
静中霞暗吐，香处雪潜翻。得意摇风态，含情泣露痕。芬芳
光上苑，寂默委中园。赤白徒自许，幽芳谁与论！

赋得月照冰池

皓月方离海，坚冰正满池。金波双激射，璧采两参差。
影占徘徊处，光含的皪时。高低连素色，上下接清规。顾兔
飞难定，潜鱼跃未期。鹊惊俱欲绕，狐听始无疑。似镜将盈
手，如霜恐透肌。独怜游玩意，达晓不知疲。

代秘书赠弘文馆诸校书

清切曹司近玉除，比来秋兴复何如？崇文馆里丹霜后，
无限红梨忆校书。



赠从兄闾之

怅望人间万事违，私书幽梦约忘机。荻花村里鱼标在，
石藓庭中鹿迹微。幽境定携僧共入，寒塘好与月相依。城中
獬犬憎兰佩，莫损幽芳久不归。

常 娥

云母屏风烛影深，长河渐落晓星沉。常娥应悔偷灵药，
碧海青天夜夜心。

残 花

残花啼露莫留春，尖发谁非怨别人。若但掩关劳独梦，
宝钗何日不生尘？

天津西望

虓马崩腾忽一狂，翠华无日到东方。天津西望肠真断，
满眼秋波出苑墙。



汴上送李郢之苏州

人高诗苦滞夷门，万里梁王有旧园。烟幌自应怜白鬓，
月楼谁伴咏黄昏？露桃涂颊依苔井，风柳夸腰住水村。苏小
小坟今在否？紫兰香径与招魂。

忆住一师

无事经年别远公，帝城钟晓忆西峰。烟炉消尽寒灯晦，
童子开门雪满松。

早 起

风露澹清晨，帘间独起人。莺啼花又笑，毕竟是谁春？

细 雨

帷飘白玉堂，簟卷碧牙床。楚女当时意，萧萧发彩凉。

歌 舞

遏云歌响清，回雪舞腰轻。只要君流盼，君倾国自倾。



魏侯第东北楼堂郢叔言别聊用书所见成篇

暗楼连夜阁，不拟为黄昏。未必断别泪，何曾妨梦魂。
疑穿花透迤，渐近火温褥。海底翻无水，仙家却有村。
锁香金屈戌，带酒玉昆仑。羽白风交扇，冰清月印盆。
旧欢尘自积，新岁电犹奔。霞绮空留段，云峰不带根。
念君千里舸，江草漏灯痕。

华山题王母祠

莲华峰下锁雕梁，此去瑶池地共长。好为麻姑到东海，
劝栽黄竹莫栽桑。

华 师

孤鹤不睡云无心，衲衣筇杖来西林。院门昼锁回廊静，
秋日当阶柿叶阴。

过华清内厩门

华清别馆闭黄昏，碧草悠悠内厩门。自是明时不巡幸，
至今青海有龙孙。



乐游原

万树鸣蝉隔断虹，乐游原上有西风。羲和自趁虞泉宿，不放斜阳更向东。

赠荷花

世间花叶不相伦，花入金盆叶作尘。惟有绿荷红菡萏，卷舒开合任天真。此花此叶长相映，翠减红衰愁杀人。

房君珊瑚散

不见常娥影，清秋守月轮。月中闲杵臼，桂子捣成尘。

嘲樱桃

朱实鸟含尽，青楼人未归。南园无限树，独自叶如帏。

和张秀才落花有感

晴暖感余芳，红苞杂绛房。落时犹自舞，扫后更闻香。梦罢收罗荐，仙归敕玉箱。回肠九回后，犹有剩回肠。



櫻桃花下

流莺舞蝶两相欺，不取花芳正结时。他日未开今日谢，
嘉辰长短是参差。

暮秋独游曲江

荷叶生时春恨生，荷叶枯时秋恨成。深知身在情长在，
怅望江头江水声。

月夜重寄宋华阳姊妹

偷桃窃药事难兼，十二城中锁彩蟾。应共三英同夜赏，
玉楼仍是水精帘。

雨中长乐水馆送赵十五滂不及

碧云东去雨云西，苑路高高驿路低。秋水绿芜终尽分，
夫君太骋锦障泥。



裴明府居止

爱君茅屋下，向晚水溶溶。试墨书新竹，张琴和古松。
坐来闻好鸟，归去度疏钟。明日还相见，桥南赏酒讵。

当句有对

密迩平阳接上兰，秦楼鸳瓦汉宫盘。池光不定花光乱，
日气初涵露气干。但觉游蜂饶舞蝶，岂知孤凤忆离鸾。三星
自转三山远，紫府程遥碧落宽。

子初郊墅

看山对酒君思我，听鼓离城我访君。腊雪已添墙下水，
斋钟不散槛前云。阴移竹柏浓还淡，歌杂渔樵断更闻。亦拟
村南买烟舍，子孙相约事耕耘。

池 边

玉管葭灰细细吹，流莺上下燕参差。日西千绕池边树，
忆把枯条撼雪时。



送王十三校书分司

多少分曹掌秘文，洛阳花雪梦随君。定知何逊缘联句，
每到城东忆范云。

复至裴明府所居

伊人卜筑自幽深，桂巷杉篱不可寻。柱上雕虫对书字，
槽中秣马仰听琴。求之流辈岂易得？行矣关山方独吟。除取
松醪一斗酒，与君相伴洒烦襟。

戏题友人壁

花径逶迤柳巷深，小兰亭午啜春禽。相如解作《长门
赋》，却用文君取酒金。

王昭君

毛延寿画欲通神，忍为黄金不為人。马上琵琶行万里，
汉宫长有隔生春。



曼倩辞

十八年来堕世间，瑶池归梦碧桃闲。如何汉殿穿针夜，
又向窗中觑阿环？

细 雨

萧洒傍回汀，依微过短亭。气凉先动竹，点细未开萍。
稍促高高燕，微疏的的萤。故园烟草色，仍近五门青。

蝶

孤蝶小徘徊，翩翩粉翅开。并应伤皎洁，频近雪中来。

奉寄安国大师兼简子蒙

忆奉莲花座，兼闻贝叶经。岩光分蜡屐，涧响入铜瓶。
日下徒推鹤，天涯正对萤。鱼山羨曹植，眷属有文星。

景阳宫井双桐

秋港菱花干，玉盘明月蚀。血渗两枯心，情多去未得。



徒经白门伴，不见丹山客。未待刻作人，愁多有魂魄。谁将玉盘与，不死翻相误。天更阔于江，孙枝觅郎主。昔妒邻宫槐，道类双眉敛。今日繁红樱，抛人占长簷。翠襦不禁绽，留泪啼天眼。寒灰劫尽问方知，石羊不去谁相绊？

端 居

远书归梦两悠悠，只有空床敌素秋。阶下青苔与红树，雨中寥落月中愁。

夜 半

三更三点万家眠，露欲为霜月堕烟。斗鼠上床蝙蝠出，玉琴时动倚窗弦。

滞 雨

滞雨长安夜，残灯独客愁。故乡云水地，归梦不宜秋。

月

过水穿楼触处明，藏人带树远含清。初生欲缺虚惆怅，未必圆时即有情。



城 外

露寒风定不无情，临水当山又隔城。未必明时胜螿蛤，
一生长共月亏盈。

北 青 萝

残阳西入崦，茅屋访孤僧。落叶人何在，寒云路几层？
独敲初夜磬，闲倚一枝藤。世界微尘里，吾宁爱与憎！

僧院牡丹

叶薄风才倚，枝轻雾不胜。开先如避客，色浅为依僧。
粉壁正荡水，绡帟初卷灯。倾城惟待笑，要裂几多缯？

高 花

花将人共笑，篱外露繁枝。宋玉临江宅，墙低不拟窥。

嘲 桃

无赖夭桃面，平明露井东。春风为开了，却拟笑春风。



送丰都李尉

万古商於地，凭君泣路岐。固难寻绮季，可得信张仪？
雨气燕先觉，叶阴蝉遽知。望乡尤忌晚，山晚更参差。

访 隐

路到层峰断，门依老树开。月从平楚转，泉自上方向来。
薤白罗朝馔，松黄暖夜杯。相留笑孙绰，空解赋天台。

蝶

叶叶复翻翻，斜桥对侧门。芦花惟有白，柳絮可能温？
西子寻遗殿，昭君觅故村。年年芳物尽，来别败兰荪。

蝇蝶鸡麝鸾凤等成篇

韩蝶翻罗幕，曹蝇拂绮窗。斗鸡回玉勒，融麝暖金真。
玳瑁明书阁，琉璃冰酒缸。画楼多有主，鸾凤各双双。



乐游原

向晚意不适，驱车登古原。夕阳无限好，只是近黄昏。

寄远

姮娥捣药无时已，玉女投壶未肯休。何日桑田俱变了，不教伊水向东流。

明禅师院酬从兄见寄

贞吝嫌兹世，会心驰本原。人非四禅缚，地绝一尘喧。霜露敬高木，星河堕故园。斯游傥为胜，九折幸回轩。

访隐者不遇成二绝

秋水悠悠浸墅扉，梦中来数觉来稀。玄蝉去尽叶黄落，一树冬青人未归。

城郭休过识者稀，哀猿啼处有柴扉。沧江白石樵渔路，日暮归来雨满衣。



雨

撼撼度瓜园，依依傍竹轩。秋池不自冷，风叶共成喧。
窗迥有时见，檐高相续翻。侵宵送书雁，应为稻粱恩。

和人题真娘墓

原注：真娘，吴中乐妓，墓在虎丘山下寺中。

虎丘山下剑池边，长遣游人叹逝川。冢树断丝悲舞席，
出云清楚想歌筵。柳眉空吐效颦叶，榆荚还飞买笑钱。一自
香魂招不得，只应江上独婵娟。

和郑愚赠汝阳王孙家筝妓二十韵

冰雾怨何穷，秦丝娇未已。寒空烟霞高，白日一万里。
碧嶂愁不行，浓翠遥相倚。茜袖捧琼姿，皎日丹霞起。孤猿
耿幽寂，西风吹白芷。回首苍梧深，女萝闭山鬼。荒郊白鳞
断，别浦晴霞委。长笏压河心，白道联地尾。秦人昔富家，
绿窗闻妙旨。鸿惊雁背飞，象床殊故里。因令五十丝，中道
分宫徵。斗粟配新声，娣侄徒纤指。风流大堤上，怅望白门
里。鏹粉实雌弦，灯光冷如水。羌管促蛮柱，从醉吴宫耳。
满内不扫眉，君王对西子。初花惨朝露，冷臂凄愁髓。一曲
送连钱，远别长于死。玉砌衔红兰，妆窗结碧绮。九门十二
关，清晨禁桃李。



九月於东逢雪

举家忻共报，秋雪堕前峰。岭外他年忆，於东此日逢。
粒轻还自乱，花薄未成重。岂是惊离諠，应来洗病容。

失 题

昔帝回冲眷，维皇恻上仁。三灵迷赤气，万汇叫苍旻。
刊木方隆禹，升陟始创殷。夏台曾圯闭，汜水敢逡巡。拯溺
休规步，防虞要徙薪。蒸黎今得请，宇宙昨还淳。纘祖功直
急，贻孙计甚勤。降灾虽代有，稔恶不无因。宫掖方为蛊，
边隅忽遘屯。献书秦逐客，间谍汉名臣。北伐将谁使？南征
决此辰。中原重板荡，玄象失勾陈。诘旦违清道，衔枚别紫
宸。兹行殊厌胜，故老遂分新。去异封于巩，来宁避处豳。
永嘉几失坠，宣政遽酸辛。元子当传启，皇孙合授询。时非
三揖让，表请再陶钧。旧好盟还在，中枢策屡遵。苍黄传国
玺，违远属车尘。雏虎如凭怒，爨龙性漫驯。封崇自何等？
流落乃斯民。逗挠官军乱，优容败将频。早朝披草莽，夜缒
达丝纶。忘战追无及，长驱气益振。妇言终未易，庙略况非
神。日驭难淹蜀，星旄要定秦。人心诚未去，天道亦无亲。
锦水湔云浪，黄山扫地春。斯文虚梦鸟，吾道欲悲麟。断续
殊乡泪，存亡满席珍。魂销季羔奚，衣化子张绅。建议庸何
所？通班昔滥臻。浮生见开泰，独得咏汀纁。



送阿龟归华

草堂归意背烟萝，黄绶垂腰不奈何。因汝华阳求药物，碧松根下茯苓多。

赤 壁

折戟沉沙铁未销，自将磨洗认前朝。东风不与周郎便，铜雀春深锁二乔。

垂 柳

垂柳碧鬅茸，楼昏雨带容。思量成昼梦，来去发春慵。梳洗凭张敞，乘骑笑稚恭。碧虚从转笠，红烛近高舂。怨目明秋水，愁眉淡远峰。小阑花尽蝶，静院醉醒蛩。旧作琴台凤，今为药店龙。宝奁抛掷久，一任景阳钟。

清 夜 怨

含泪坐春宵，闻君欲度辽。绿池荷叶嫩，红砌杏花娇。曙月当窗满，征云出塞遥。画楼终日闭，清管为谁调？



定 子

檀槽一抹《广陵》春，定子初开睡脸新。却笑邱墟隋炀帝，破家亡国为何人？

游灵伽寺

碧烟秋寺汎湖来，水打城根古堞摧。尽日伤心人不见，石楠花满旧琴台。

龙邱道中二首

汉苑残花别，吴江盛夏来。惟看万树合，不见一枝开。
水色饶湘浦，滩声怯建溪。泪流回月上，可得更猿啼？

题剑阁诗

峭壁横空限一隅，划开元气建洪枢。梯航百货通邦计，键闭诸蛮屏帝都。西蹙犬戎威北狄，南吞荆郢制东吴。千年管钥谁熔范？只自先天造化炉。



诗集新补

访白云山人

瀑近悬崖屋，阴阴草木情。自言山底住，长向月中耕。
晚雨无多点，初蝉第一声。煮茶归未去，刻竹为题名。

孙望《全唐诗补逸》

晋元帝庙

青山遗庙与僧邻，断簇残碑锁暗尘。紫盖适符江左运，
翠华空忆洛中春。夜台无月照珠户，秋殿有风开玉宸。弓剑
神灵定何处，年年春绿上麒麟。

缺 题

重午云阴日正长，佳辰早至浴兰汤。凉风入座无消扇，



彩索灵符映羽觞。

咏 雪_句

郊野鹅毛满，江湖雁影空。

咏 桃_句

酥胸酣暖日，玉脸笑春风。

童养年《全唐诗续补遗》

笋_{题拟}

昨夜春霞迸藓根，乱披烟箨出柴门。稚川龙过应回首，
认得青青几代孙。

句

斜倚绿窗□□□。

陈尚君《全唐诗续拾》



目 录

李商隐全集

玉溪生诗集卷一

- 韩碑 (3)
- 富平少侯以下编年 (4)
- 日高 (4)
- 陈后宫 (玄武开新苑) (4)
- 陈后宫 (茂苑城如画) (4)
- 览古 (5)
- 隋师东 (5)
- 谢书 (5)
- 无题 (八岁偷照镜) (5)
- 失题 (6)
- 天平公座中呈令狐令公 (6)
- 牡丹 (锦帙初卷) (6)
- 初食笋呈座中 (6)
- 海上 (7)



赠赵协律皙	(7)
赠宇文中丞	(7)
安平公诗	(7)
过故崔兗海宅与崔明秀才话旧因寄旧僚杜赵李三掾	(8)
宿骆氏亭寄怀崔雍崔衮	(8)
公子 (外戚封侯)	(9)
东还	(9)
夕阳楼	(9)
有感二首 (九服归元化) (丹陛犹敷奏)	(9)
重有感	(10)
故番禺侯以赃罪致不辜事觉母者他日过其门	(10)
哭遂州萧侍郎二十四韵	(10)
五松驿	(11)
令狐八拾遗口见招送裴十四归华州	(11)
和友人戏赠二首	(11)
题二首后重有戏赠任秀才	(12)
李肱所遗画松诗书两纸得四十一韵	(12)
送从翁从东川弘农尚书幕	(13)
南山赵行军新诗盛称游宴之洽因寄一绝	(13)
及第东归次灞上却寄同年	(14)
商於新开路	(14)
寿安公主出降	(14)
寄恼韩同年二首时韩住萧洞	(14)
哭虔州杨侍郎 <small>虞卿</small>	(15)
病中早访招国李十将军遇挈家游曲江	(15)
又一首	(15)
韩同年新居饯韩西迎家室戏赠	(16)



- 西南行却寄相送者 (16)
- 圣女祠 (杳霭逢仙迹) (16)
- 自南山北归经分水岭 (16)
- 行次西郊作一百韵 (17)
- 彭城公薨后赠杜二十七胜李十七潘二君并与愚同出故尚
书安平公门下 (19)
- 撰彭阳公志文毕有感 (19)
- 漫成三首 (19)
- 无题 (照梁初有情) (19)
- 安定城楼 (20)
- 回中牡丹为雨所败二首 (20)
- 东南 (20)
- 和韩录事送宫人入道 (20)
- 奉和太原公送前杨秀才戴兼招杨正字戎 (21)
- 戏赠张书记 (21)
- 赠送前刘五经映三十四韵 (21)
- 四皓庙 (羽翼殊勋) (22)
- 宫中曲 (22)
- 无题二首 (昨夜星辰)(闻道阊门) (22)
- 镜槛 (23)
- 曲池 (23)
- 有感 (中路因循) (23)
- 次陕州先寄源从事 (24)
- 荆山 (24)
- 任弘农尉献州刺史乞假归京 (24)
- 曲江 (24)
- 景阳井 (25)
- 咏史 (历览前贤) (25)



垂柳（娉婷小苑中）	（25）
与同年李定言曲水闲话戏作	（25）
井泥四十韵	（26）
送千牛李将军赴阙五十韵	（26）
崇让宅东亭醉后沔然有作	（27）
酬别令狐补阙	（28）
临发崇让宅紫薇	（28）
过伊仆射旧宅	（28）
寄成都高苗二从事	（29）
赠刘司户□	（29）
潭州	（29）
杏花	（29）
岳阳楼（欲为平生）	（30）
离思	（30）
楚宫（湘波如泪）	（30）
破镜	（30）
七月二十八日夜与王郑二秀才听雨后梦作	（31）
七月二十九日崇让宅宴作	（31）
华州周大夫宴席	（31）
鸾凤	（31）
赠子直花下	（32）
哭刘□	（32）
哭刘司户二首	（32）
哭刘司户□	（32）
妓席暗记送同年独孤云之武昌	（33）
赠别前蔚州契苾使君	（33）
灞岸	（33）
出关宿盘豆馆对丛芦有感	（33）



即日（小苑试春衣）	（34）
淮阳路	（34）
赋得鸡	（34）
郑州献从叔舍人諝	（34）
怀求古翁	（35）
和韦潘前辈七月十二日夜泊池州城下先寄上李使君	（35）
和刘评事永乐闲居见寄	（35）
戏题赠稷山驿吏王全	（35）
登霍山驿楼	（36）
幽居冬暮	（36）
行次昭应县道上送户部李郎中充昭义攻讨	（36）
大卤平后移家到永乐县居书怀十韵寄刘韦二前辈二公尝 于此县寄居	（36）
和马郎中移白菊见示	（37）
寄和水部马郎中题兴德驿时昭义已平	（37）
喜闻太原同院崔侍御台拜兼寄在台三二同年之什	（37）
.....	（37）
寄令狐郎中	（37）
灵仙阁晚眺寄郢州韦评事	（38）
明神	（38）
过姚孝子庐偶书	（38）
四年冬以退居蒲之永乐渴然有农夫望岁之志遂作忆雪又 作残雪诗各一百言以寄情于游旧	（38）
寒食行次冷泉驿	（39）
评事翁寄赐饧粥走笔为答	（39）
县中恼饮席	（39）
花下醉	（40）



永和县所居一草一木无非自栽今春悉已芳茂因书即事一章	(40)
自喜	(40)
春宵自遣	(40)
题道靖院院在中条山故王颜中丞所置虢州刺史舍官居此	
今写真存焉	(41)
题小松	(41)
七夕偶题	(41)
秋日晚思	(41)
菊	(42)
汉宫词	(42)
所居	(42)
奉同诸公题河中任中丞新创河亭四韵之作	(42)
无愁果有愁曲北齐歌	(43)
喜雪	(43)
小园独酌	(43)
小桃园	(44)
自况	(44)
所居永和县久旱县宰祈祷得雨因赋诗	(44)
落花	(44)
春日寄怀	(44)
过故府中武威公交城旧庄感事	(45)
寄蜀客	(45)
蜀桐	(45)
昭肃皇帝挽歌辞三首	(45)
茂陵	(46)
汉宫	(46)
华岳下题西王母庙	(46)



瑶池	(46)
过景陵	(47)
四皓庙 (本为留侯)	(47)
玉溪生诗集卷二	
喜舍弟羲叟及第上礼部魏公	(48)
题郑大有隐居	(48)
谢往桂林至彤庭窃咏	(48)
离席	(49)
春游	(49)
岳阳楼 (汉水方城)	(49)
海客	(49)
桂林	(50)
深树见一颗樱桃尚在	(50)
晚晴	(50)
五月六日夜忆往岁秋与澈师同宿	(50)
酬令狐郎中见寄	(51)
寓目	(51)
席上作	(51)
夜意	(51)
访秋	(52)
城上	(52)
念远	(52)
朱槿花二首	(52)
桂林路中作	(53)
高松	(53)
海上谣	(53)
江村题壁	(53)
洞庭鱼	(54)



自桂林奉使江陵途中感怀寄献尚书	(54)
宋玉	(55)
即日 (桂林闻旧说)	(55)
凤	(55)
北楼	(55)
思归	(56)
异俗二首	(56)
昭郡	(56)
贾生	(56)
李卫公	(57)
题鹅	(57)
寄令狐学士	(57)
钧天	(57)
玉山	(58)
灯	(58)
送郑大台文南覲	(58)
献寄旧府开封公	(58)
同崔八诣药山访融禅师	(59)
汉南书事	(59)
荆门西下	(59)
旧将军	(59)
泪	(60)
乱石	(60)
槿花 (风露凄凄)	(60)
陆发荆南始至商洛	(60)
归墅	(61)
楚泽	(61)
戊辰会静中出贻同志二十韵	(61)



河清与赵氏昆季宴集得拟杜工部	(62)
寓怀	(62)
无题 (万里风波)	(62)
江上	(62)
风 (回拂来鸿急)	(63)
九日	(63)
摇落	(63)
过楚宫	(63)
深宫	(64)
夜雨寄北	(64)
因书	(64)
巴江柳	(64)
初起	(65)
武侯庙古柏	(65)
井络	(65)
杜工部蜀中离席	(65)
梦令狐学士	(66)
北禽	(66)
梓潼望长卿山至巴西复怀谯秀	(66)
夜饮	(66)
利州江潭作	(67)
重过圣女祠	(67)
木兰	(67)
木兰花	(67)
赠句芒神	(68)
谒山	(68)
和孙朴韦蟾孔雀咏	(68)
碧瓦	(68)



肠	(69)
射鱼曲	(69)
无题四首 (来是空言) (飒飒东南) (含情春芋晚) (何 处哀箏)	(69)
哀箏	(70)
槿花二首 (燕体伤风力) (珠馆薰燃久)	(70)
即日 (小鼎煎茶)	(70)
促漏	(71)
如有	(71)
令狐舍人说昨夜西掖玩月因戏赠	(71)
昨夜	(71)
杜司勋	(72)
赠司勋杜十三员外	(72)
无题 (相见时难)	(72)
故驿迎吊故桂府常侍有感	(72)
野菊	(73)
漫成五章	(73)
赠庾十二朱版	(73)
无题 (紫府仙人)	(74)
昨日	(74)
子直晋昌李花	(74)
李花	(74)
访人不遇留别馆	(75)
一片 (一片非烟)	(75)
寄怀韦蟾	(75)
白云夫旧居	(75)
骄儿诗	(76)
对雪二首	(76)



- 东下三旬苦于风土马上戏作 (77)
- 题汉祖庙 (77)
- 隋宫守岁 (77)
- 读任彦昇碑 (77)
- 偶成转韵七十二句赠四同舍 (78)
- 戏题枢言草阁三十二韵 (79)
- 越燕二首 (79)
- 蝉 (80)
- 辛未七夕 (80)
- 迎寄韩鲁州瞻同年 (80)
- 咏怀寄秘阁旧僚二十六韵 (80)
- 房中曲 (81)
- 宿晋昌亭闻惊禽 (81)
- 壬申七夕 (82)
- 柳 (曾逐东风) (82)
- 王十二兄与畏之员外相访见招小饮时予以悼亡日近不去
因寄 (82)
- 壬申闰秋题赠乌鹄 (82)
- 夜冷 (83)
- 西亭 (83)
- 无题二首 (凤尾香罗) (重帙深下) (83)
- 有感 (非关宋玉) (83)
- 晋昌晚归马上赠 (84)
- 赴职梓潼留别畏之员外同年 (84)
- 饯席重送从叔余之梓州 (84)
- 悼伤后赴东蜀辟至散关遇雪 (84)
- 筹笔驿 (84)
- 望喜驿别嘉陵江水二绝 (85)



张恶子庙	(85)
五言述德抒情诗一首四十韵献上杜七兄仆射相公	(85)
今月二日不自量度辄以诗一首四十韵干渎尊严伏蒙仁恩 俯赐披览奖逾其实情溢于辞顾惟疏芜曷用酬戴辄复五言四十 韵诗一章献上亦诗人咏叹不足之义也	(86)
韩冬郎即席为诗相送一座尽惊他日余方追吟连宵侍坐徘徊 久之句有老成之风因成二绝寄酬兼呈畏之员外	(87)
柳 (为有桥边)	(87)
三月十日流杯亭	(88)
西溪 (怅望西溪水)	(88)
柳 (柳映江潭)	(88)
细雨成咏献尚书河东公	(88)
属疾	(89)
杨本胜说于长安见小男阿衮	(89)
锦瑟	(89)
江上忆严五广休	(89)
李夫人三首	(90)
即日 (一岁林花)	(90)
春日	(90)
江亭散席循柳路吟归官舍	(90)
柳下暗记	(91)
夜出西溪	(91)
寓兴	(91)
假日	(91)
题僧壁	(91)
七夕	(92)
写意	(92)



寄太原卢司空三十韵	(92)
忆梅	(93)
天涯	(93)
二月二日	(93)
西溪 (近郭西溪好)	(93)
题白石莲华寄楚公	(94)
病中闻河东公乐营置酒口占寄上	(94)
南潭上亭宴集以疾后至因而抒情	(94)
春深脱衣	(95)
有怀在蒙飞卿	(95)
闻著明凶问哭寄飞卿	(95)
梓州罢吟寄同舍	(95)
饮席戏赠同舍	(96)
饮席代官妓赠两从事	(96)
行至金牛驿寄兴元渤海尚书	(96)
鄠杜马上念汉书	(96)
留赠畏之三首	(97)
过招国李家南园二首	(97)
正月十五夜闻京有灯恨不得观	(97)
正月崇让宅	(98)
赠田叟	(98)
寄在朝郑曹独孤李四同年	(98)
水斋	(98)
玉溪生诗集卷三	
寄罗劭兴 <small>以下不编年</small>	(99)
崔处士	(99)
霜月	(99)
商於	(100)



清河	(100)
袜	(100)
同学彭道士参寥	(100)
效长吉	(101)
旧顿	(101)
齐宫词	(101)
寄永道士	(101)
一片 (一片琼英)	(102)
少年	(102)
玄微先生	(102)
公子 (一盏新罗酒)	(102)
闲游	(103)
赠歌妓二首	(103)
秋月	(103)
乐游原 (春梦乱不记)	(103)
向晚	(104)
俳谐	(104)
药转	(104)
屏风	(104)
风 (撩钗盘孔雀)	(105)
九成宫	(105)
少将	(105)
为有	(105)
幽人	(106)
子初全溪作	(106)
赠宗鲁筇竹杖	(106)
微雨	(106)
咏云	(106)



碧城三首	(107)
蜂	(107)
明日	(107)
石榴	(108)
拟沈下贤	(108)
蝶 (飞来绣户阴)	(108)
牡丹 (压径复缘沟)	(108)
春风	(109)
人欲	(109)
吴宫	(109)
可叹	(109)
偶题二首	(110)
荷花	(110)
送臻师二首	(110)
街西池馆	(110)
华清宫 (华清恩幸)	(111)
百果嘲樱桃	(111)
樱桃答	(111)
晓坐	(111)
日射	(111)
华清宫 (朝元阁迴)	(112)
独居有怀	(112)
代董秀才却扇	(112)
骊山有感	(112)
思贤顿	(113)
十一月中旬至扶风界见梅花	(113)
龙池	(113)
蝶 (初来小苑中)	(113)



无题二首（长眉画了）（寿阳公主）	（114）
别薛岩宾	（114）
晓起	（114）
闺情	（114）
月夕	（115）
谢先辈防记念拙诗甚多异日偶有此寄	（115）
马嵬二首	（115）
追代卢家人嘲堂内	（115）
代应（本来银汉）	（116）
妓席	（116）
烧香曲	（116）
判春	（116）
无题（近知名阿侯）	（117）
赠白道者	（117）
咸阳	（117）
离亭赋得折杨柳二首	（117）
十字水期韦潘侍御同年不至时韦寓居水次故郭邠宁宅	（118）
青陵台	（118）
酬崔八早梅有赠兼示之作	（118）
拟意	（118）
代魏宫私赠	（119）
代元城吴令暗为答	（119）
东阿王	（119）
涉洛川	（120）
归来	（120）
燕台诗四首	（120）
柳枝五首	（121）



石城	(122)
代赠 (杨柳路尽处)	(122)
莫愁	(123)
赠柳	(123)
谑柳	(123)
代赠二首 (楼上黄昏) (东南日出)	(123)
楚吟	(124)
柳 (动春何限叶)	(124)
韩翃舍人即事	(124)
代越公房妓嘲徐公主	(124)
代贵公主	(125)
代应二首 (沟水分流) (昨夜双钩败)	(125)
楚宫 (复壁交青琐)	(125)
送崔珣往西川	(125)
梦泽	(126)
即日 (地宽楼已迥)	(126)
失猿	(126)
鸳鸯	(126)
人日即事	(127)
柳 (江南江北)	(127)
无题 (白道萦回)	(127)
春雨	(127)
丹邱	(128)
到秋	(128)
夜思	(128)
河内诗二首	(128)
河阳诗	(129)
凉思	(130)



江东	(130)
风雨	(130)
赠郑说处士	(130)
齐梁晴云	(131)
效徐陵体赠更衣	(131)
又效江南曲	(131)
南朝 (地险悠悠)	(131)
南朝 (玄武湖中)	(132)
隋宫 (乘兴南游)	(132)
隋宫 (紫泉宫殿)	(132)
咏史 (北湖南埭)	(132)
听鼓	(133)
过郑广文旧居	(133)
宫妓	(133)
宫辞	(133)
武夷山	(134)
圣女祠 (松篁台殿)	(134)
板桥晓别	(134)
关门柳	(134)
寄裴衡	(135)
银河吹笙	(135)
闻歌	(135)
赠华阳宋真人兼寄清都刘先生	(135)
楚宫 (十二峰前)	(136)
水天闲话旧事	(136)
中元作	(136)
相思	(136)
日日	(137)



流莺	(137)
题李上□壁	(137)
复京	(137)
浑河中	(138)
北齐二首	(138)
别智玄法师	(138)
赠孙绮新及第	(138)
寄华岳孙逸人	(139)
赋得桃李无言	(139)
赋得月照冰池	(139)
代秘书赠弘文馆诸校书	(139)
赠从兄闾之	(140)
常娥	(140)
残花	(140)
天津西望	(140)
汴上送李郢之苏州	(141)
忆住一师	(141)
早起	(141)
细雨 (帷飘白玉堂)	(141)
歌舞	(141)
魏侯第东北楼堂郢叔言别聊用书所见成篇	(142)
华山题王母祠	(142)
华师	(142)
过华清内厩门	(142)
乐游原 (万树鸣蝉)	(143)
赠荷花	(143)
房君珊瑚散	(143)
嘲樱桃	(143)



和张秀才落花有感	(143)
樱桃花下	(144)
暮秋独游曲江	(144)
月夜重寄宋华阳姊妹	(144)
雨中长乐水馆送赵十五滂不及	(144)
裴明府居止	(145)
当句有对	(145)
子初郊墅	(145)
池边	(145)
送王十三校书分司	(146)
复至裴明府所居	(146)
戏题友人壁	(146)
王昭君	(146)
曼倩辞	(147)
细雨 (萧洒傍回汀)	(147)
蝶 (孤蝶小徘徊)	(147)
奉寄安国大师兼简子蒙	(147)
景阳宫井双桐	(147)
端居	(148)
夜半	(148)
滞雨	(148)
月	(148)
城外	(149)
北青萝	(149)
僧院牡丹	(149)
高花	(149)
嘲桃	(149)
送丰都李尉	(150)



访隐	(150)
蝶 (叶叶复翻翻)	(150)
蝇蝶鸡麝鸾凤等成篇	(150)
乐游原 (向晚意不适)	(151)
寄远	(151)
明禅师院酬从兄见寄	(151)
访隐者不遇成二绝	(151)
雨	(152)
和人题真娘墓	(152)
和郑愚赠汝阳王孙家筝妓二十韵	(152)
九月於东逢雪	(153)
失题	(153)
送阿龟归华 <small>以下附录</small>	(154)
赤壁	(154)
垂柳 (垂柳碧癯茸)	(154)
清夜怨	(154)
定子	(155)
游灵伽寺	(155)
龙邱道中二首	(155)
题剑阁诗	(155)
玉溪生诗集新补	
访白云山人	(156)
晋元帝庙	(156)
缺题	(156)
咏雪句	(157)
咏桃句	(157)
笋 <small>题拟</small>	(157)
句	(157)

